



三國遺事





189943

昭和 6. 7. 30

三國遺事目次

王曆第一

紀異卷第一

古朝鮮王儉朝鮮

魏滿朝鮮

馬韓

二府

七十二國

樂浪國

北帶方

南帶方

靺鞨 渤海

伊西國

五伽耶

北扶餘

東扶餘

高句麗

卞韓 百濟

辰韓

又四節遊宅

新羅始祖 赫居世王

第二南解王

第三弩禮王

第四脫解王

金闕智 脫解王代

延鳥郎 細鳥女

未鄒王 竹葉軍

奈勿王 金堤上

第十八實聖王

射琴匣

智哲老王

真興王

桃花女 鼻荆郎

天賜玉帶

善德王知幾三事

真德王

金庾信

太宗春秋公

長春郎 罷郎

## 卷第二

文虎王法敏

萬波息笛

孝昭王代 竹旨郎

聖德王

水路夫人

孝成王

景德王 忠談師 表訓大德

惠恭王

元聖大王

早雪

興德王 鸚鵡

神武大王 閻長 弓巴

四十八景文大王

處容郎 望海寺

真聖女大王 居陁知

孝恭王

景明王

景哀王

金傅大王

南扶餘 前百濟 北扶餘

武王

後百濟 甄萱

駕洛國記

卷第三

興法第三

順道肇麗

難陀關濟

阿道基羅

原宗興法 厭闢滅身

法王禁殺

寶藏奉老 普德移庵

東京興輪寺金堂十聖

迦葉佛宴坐石

遼東城育王塔



金官城婆娑石塔

高麗靈塔寺

皇龍寺丈六

皇龍九層塔

皇龍寺鐘 芬皇寺藥師 奉德寺鐘

靈妙寺丈六

四佛山 掘佛山 萬佛山

生義寺石彌勒

興輪寺壁畫普賢

三所觀音 衆生寺

栢栗寺

敏藏寺

前後所將舍利

彌勒仙花 末尸郎 眞慈師

南白月二聖 努勝夫得 怛怛朴朴

芬皇寺千手大悲 盲兒得眼

洛山二大聖 觀音 正趣 調信

魚山佛影

臺山五萬真身

溟州五臺山寶叱徒太子傳記

臺山月精寺五類聖衆

南月山

天龍寺

釜藏寺彌陀殿

伯嚴寺石塔舍利

靈鷲寺

有德寺

五臺山文殊寺石塔記

## 卷第四

## 義解第五

圓光西學

寶壤梨木

良志使錫

歸竺諸師

二惠同塵

慈藏定律

元曉不羈

義湘傳教

虵福不言

眞表傳簡

關東楓岳鉢淵藪石記

勝詮罰體

心地繼祖

賢瑜珈  
海華嚴

卷第五

神呪第六

密本摧邪

惠通降龍

明朗神印

感通第七

仙桃聖母隨喜佛事

郁面婢念佛西昇

廣德嚴莊

憬興遇聖

真身受供

月明師兜率歌

善律還生

金現感虎

融天師彗星歌  
真平王代

正秀師救氷女

避隱第八

朗智乘雲 普賢樹

緣會逃名 文殊帖

惠現求靜

信忠掛冠

包山二聖

永才遇賊

勿稽子

迎如師

布川山 五比丘 景德王代

念佛師

孝善第九

真定師 孝善雙美

大城孝二世父母 神文王代

向得舍知割股供親 景德王代

孫順埋兒  
與德王代  
貧女養母

附錄

均如傳

河平 癸巳 四

陽朔 丁酉 四

鴻嘉 辛丑 四

永始 乙巳 四

元延 乙酉 四

哀帝 二

哀帝

建平 乙卯 四

元壽 己未 二

平帝

第二、瑠璃王。一作

累利。又孺留。東明子。立壬寅。理三十九年。姓解氏。

百濟。

第一、溫祚王。東明

第三子。一云第二。癸卯立。在位四十五。都慰禮城。一云蛇川。今稷山。丙辰。移都漢山。今廣州。

元始辛酉七

孺子

初始戌二辰

新室

建國己巳五

天鳳甲戌六

地鳳丙辰三

更始癸未二

後漢虎帝

建虎乙酉三十一

羅。第二、南解次々雄。

父赫居世。母闕英。姓朴氏。妃雲帝夫人。甲子立。理二十年。此王位亦云居西干。

麗。

癸亥。移都國內城。亦云不城。而。

第三、大虎神王。

名無恤。一作味留。姓解氏。瑠璃王第三子。戊寅立。理二十六年。

第四、閔中王。名邑。

朱。姓解氏。大虎之子。甲辰立。理四年。

濟。

第二、多婁王。温祚。

第二子。戊子立。理四十九年。

洛。

驚洛國。一作伽耶。今金州。



永建 丙寅 六

嘉陽 壬申 四

永和 丙子 六

漢安 壬午 二

建康 甲申

冲帝

永嘉 乙酉

質帝

本初 丙戌

桓帝

建和 丁亥 三

第七、逸聖尼叱今。父

禮王之兄。或云祇磨王。妃。禮夫人。日知葛文王之父。禮夫人。祇磨王之女。母伊刊生夫人。或云王夫人。朴氏。甲戌立。理二十年。

第四、蓋婁王。婁

子。戊辰立。理三十八年。

第七、次大王。名遂。

國祖王母弟。丙戌立。理十九年。

和平庚寅

元嘉辛卯二

永興癸巳二

永壽乙未三

延熹戊戌九

永康丁未

靈帝

建寧戊申四

熹平壬子六

光和戊午六

中平甲子五

羅。

第八、阿達羅尼叱今。

又與倭國相嶺

立峴今彌勒大院東嶺是也

第九、伐休尼叱今。

麗。

乙巳國祖王年百十九歲。兄二

王俱見紘于新王。

第八、新大王。名伯

固。一作伯句。乙巳立。理十四年

第九、故國川王。

名男虎。或云夷謨。已未立。理二十年。

濟。

第五、肖古王。一作

素古。蓋婁子。丙午立。理五十年。

洛。

洪農又猷帝

永漢 己巳

初平 庚午 四

興平 甲戌 二

建安 丙子

曹魏文帝

黃初 庚子 七

明帝

大和 丁未 六

青龍 癸丑 四

景初 丁巳 三

第十、奈解尼叱今。

第十一、助賁尼叱今。

國川亦曰國壤。乃葬地名。

第十、山上王。

第十一、東川王。

第九、仇首王。

貴須。甲午立。理二十一年。 之子。一作

第七、沙伴王。

沙彌。又洙伊。仇首之子。立即廢。 一作。

第二、居登王。

首露子。母許皇后。己卯立。理十五年。 姓金氏。

齊王

正始九  
庚申

嘉平五  
己巳

高貴鄉

正元二  
甲戌

甘露四  
丙子

陳留王

景元四  
庚辰

西晉虎帝

泰始十  
乙酉

咸寧五  
乙未

羅。

第十三、理解尼叱今。  
一作

詰解王昔氏助賁王之  
同母弟也。丁卯立。理十  
五年始與  
高麗通聘。

第十三、未鄒尼今。  
一作

味炤。又未祖。又未召。姓  
金氏始立。父仇道。葛文  
王。母生乎。一作述。禮夫  
人。伊非葛文王之女。朴  
氏。妃諸賁王之女。光明  
娘。壬午立。理二十二年。

麗。

第十二、中川王。

第十三、西川王。  
名藥麋。又若友。庚  
寅立。理二十二年。

濟。

第八、古爾王。  
肖故

之母弟。甲寅立。  
理五十二年。

洛。

第三、麻品王。

父居登王。母泉  
府卿申輔之女  
慕貞夫人。己卯  
立。理三十二年。

大康庚子十一

第十四、儒禮尼叱今。

一作

惠帝

世里智王。昔氏。父諸賁。母召夫人。朴氏。甲辰立。治十五年。

元康辛亥

補築月城。

永寧酉辛

第十五、基臨尼叱今。

大安壬子二

一作基立王。昔氏。諸賁王之第二子也。母阿爾

永興甲子二

引夫人。戊午立。治十二年。

光熙丙寅

丁卯年。是國號曰新羅。新者。德業日新。羅者。網羅四方之民云。或

懷帝

系智證法興之世。

永嘉丁卯六

第十六、乞解尼叱今。

愍帝

昔氏。父子老音角干。即索解王第二子也。庚午立。治四十六年。是王

建興癸酉四

代。百濟兵始來侵。

第十四、烽上王。

一云雉葛王。名相夫。壬子立。治八年。

第十五、美川王。

一云好穰。名乙弗。又灑弗。庚申立。理

三十一年。

第九、責稽王。

子。一作責替。誤。丙午立。治十二年。

尔古

第十、汾西王。

子。戊午立。治六年。

稽責

第十一、比流王。

仇首第二子。沙泮之弟也。甲子立。治

四十年。

第四、居叱彌

王。一作今勿。父麻品。母好仇。辛亥立。治五十五年。

東晉中宗

建虎丁丑

大興戊寅四

明帝

永昌壬午

大寧癸未三

顯宗

咸和丙戌九

咸康乙未八

康帝

建元癸卯二

羅。

己丑。始築碧骨堤。周  
萬七千二十六步。  
百六十六步。水日一萬  
四千七十

麗。

第十六、國原王。

名釗。又斯由。或云  
岡上。辛卯立。理

四十年。

甲午增築平壤城。

壬寅八月。移都安

市城。卽丸都城。

濟。

第十二、契王。

西汾

洛。

孝宗

永和乙十二  
巳

第十七、奈勿麻立干。

昇平丁五  
巳

一作那密王。金氏。父仇道葛文王。一作未召王之弟。未仇角干。母休禮夫人。金氏。丙辰立。理四

哀帝

隆和壬戌

十六年。陵在占星臺西南。

興寧癸三  
亥

廢帝

大和丙五  
寅

簡文帝

咸安辛一  
未

烈宗

元子。甲辰立。理二年。

第十三、近肖古

王。比流第二子。丙午立。

理二十年。

第五、伊品王。

父居叱彌。母阿志。丙午立。理六年。

第十七、小獸林

王。名丘夫。辛未立。理十

三年。

辛未移都北浦山。

第十四、近仇首王。

寧康 癸酉三

大元 丙子廿一

安帝

隆安 丁酉五

元興 壬寅三

義熙 乙巳十四

恭帝

羅

第十八、實聖麻立干。

一作實主王。又突金。父未  
鄒王弟大西知角干。胡禮  
生夫人。昔氏。登也。阿干女  
也。妃阿留夫人。壬寅立。治  
十五。王即  
鴟述之父。

第十九、訥祇麻立干。

一作內只王。金氏。父奈  
勿王。母內禮希夫人。金

麗

第十八、國壤王。

名伊速。又於只支。  
甲申立。治八年。

第十九、廣開土

王。

名談德。壬  
辰立。治二

十一年。

第二十、長壽王。

名臣連。癸丑立。治  
七十九年。

濟 近肖古之子也。  
乙亥立。理九年。

第十五、枕流王。

近仇首子。  
甲申立。

第十六、辰斯王。

枕流王弟。乙  
酉立。治七年。

第十七、阿莘王。

一作阿芳。辰斯子。  
壬辰立。治十三年。

第十八、腆支王。

一作真支王。名映。  
阿莘子。乙巳立。治  
十五年。

十五年。

洛

第六、坐知王。

一云金叱王。父  
伊品。母貞信。丁



元熙 己未

氏。未鄒王女。丁巳立。治四十一年。

宋武帝

永初 庚申三

第七、吹希王。

少帝

景平 癸酉

第十九、久爾辛王。  
臆支子。庚申立。治七年。

一云金喜。父坐知王。母福壽。辛酉立。治三十年。

文帝

元嘉 甲子二十九

丁卯。移都平壤城。

世祖 癸巳大初

第八、銓知王。

孝建 甲午三

第二十、毗有王。  
久爾辛子。丁卯立。治二十八年。

一云金銓。父吹希。母仁德。辛卯立。治三十六年。

大明 丁酉八

第二十、慈悲麻立干。

太宗

金氏。父訥祗。母阿老夫人。一作次老夫人。實聖

王。  
一云近蓋鹵王。名慶

泰始乙八

後廢帝

元徽癸丑四

順帝

昇明巳丁二

齊太祖

建元巳未四

永明癸亥十一

羅。王之女。戊戌立。治二十一年。妃巴胡葛文

王女。一作未叱希角干。一作未欣角干女。

始興吳國通。己未年倭國兵來侵。始築明活城

入避。來圍梁州城。不克而還。

第二十一、毗處麻立

干。一作焯知王。金氏。慈悲王第三子。母

未欣角干之女。己未立。理二十一年。妃期寶葛

麗。

濟。司乙未立。治二十年。

第二十二、文周

王。一作文明。蓋鹵子。乙

卯立。移都熊川。理二年。

第二十三、三斤

王。一作三老。王文周子。

丁巳立。理二年。

第二十四、東城

王。名牟大。一云麻帝。又

洛。

廢帝

高宗

建虎甲  
戊四

永泰戊  
寅

永元己  
卯二

和帝

中興辛  
巳一

梁高祖

天監壬  
午十八

文王之女。

第二十二、智訂麻立干。

一作智哲老。又智度路王。金氏父。訥祗王弟。期寶葛文王。母烏生夫人。訥祗王之女。妃迎帝夫人。於攬代漢只登許作角干之女。庚辰立。理十四年。

已上爲上古。已下爲中古。

第二十三、法興王。原名

宗。金氏。冊府元龜云。姓募。名秦。父智訂。母迎帝

第二十一、文咨

明王。名明理。好。又累

雲。又高雲。壬申立。理二十七年。

第二十二、安臧

王。名與安。己夫亥立。理

餘大。三斤王之堂弟。己未立。理二十年。

第二十五、虎寧

王。名斯摩。卽東城第二子。辛

巳立。理二十二年。南史云。名扶餘隆。誤矣。隆乃寶臧王之太子。詳見唐史。

第二十六、聖王。

第九、錯知王。

父銓知王。母邦媛。壬申立。理二十年。

普通庚子七

大通丁未二

中大通己酉六

大同乙卯十一

中大同丙寅

大清丁卯三

簡文帝

大寶庚午

侯景

大始辛未

羅。夫人。法興謚。謚始乎此。甲午立。理二十六

年。陵在哀公寺北。妃日丑夫人。出家名法流。住

永興寺。始行律令。始行十行日。禁殺度。為僧尼。

建元丙辰。是年始置。年號始此。

第二十四。真興王。三名

麥宗。一作深。金氏。父即法興之弟立宗葛文王。

母只召夫人。一作息道夫人。朴氏。牟梁里英失

角干之女亦剃髮而卒。庚申立。理三十六年。

開國辛未十七

麗。十二年

第二十三。安原王。

名寶迎。癸亥立。理十四年。

四年。

第二十四。陽原王。

一云陽崗王。名平成。

乙丑立。理十四年。

濟。名明穠。虎寧子。癸巳立。理

三十一年。

戊午。移都泗泚。稱南扶餘。

洛。

第十。仇衝王。

錯知子。母女。辛丑立。理十二年。

中大通四年。壬子。納土新羅。

自首露王壬寅至壬子。合四百

九十年。

國除

承聖 壬申三

敬帝

紹泰 乙亥

大平 丙子一

陳高祖

永定 丁丑三

文帝

天嘉 庚辰六

天康 丙戌

光大 丁亥二

宣帝

大昌 戊子四

第二十五、平原王。

一作平岡。名陽城。動之云高。己卯立。理三十一一年。

第二十七、威德王。

名昌。又明。甲戌立。理四十四年。

大建己十四  
丑

羅鴻濟壬十二  
辰

麗

濟

第二十五、眞智王。

名金輪。一作舍輪。金

氏。父眞興。母朴氏尼。英失角干之女思□。一作色刁夫人。朴氏。

妃如刁夫人。起烏公之女。朴氏。

四年。治衰善

第二十六、眞平王。

名白淨。父銅輪。一云

東語。大子。母立宗葛文王之女。万呼。一云万寧夫人。名行義尼。妃摩耶夫人。金氏。名福勝□。後妃僧滿夫人。孫氏。己亥立。

隋文帝

至德癸卯四

禎明丁未三

開皇庚戌十一

仁壽辛酉四

煬帝

第二十六、嬰陽王。

一云平湯。名元。一云大元。庚戌立。治三十

年。八

第二十八、惠王。名

一云獻王。威德子。戊午立。

第二十九、法王。名

孝

大業乙丑十二

恭帝

義寧丁丑

唐太祖

武德戊寅九

太宗

貞觀丁亥廿三

高宗

順。又宣惠王子。己未立。

第三十、武王。或云武康。

□丙或小名一□簡德。庚申立。治四十一年。

第三十一、義慈王。

武王子。辛丑立。治二十年。

第二七、榮留王。名

又建武。戊寅立。治二十四年。

第二十八、寶臧王。

壬寅立。治二十七年。

第二十七、善德女王。名德曼。父真平。

王。母麻耶夫人。金氏。聖骨男盡。故女王立。王之匹飲葛文王。仁

平甲午立。治十四年。

第二十八、真德女王。名勝曼。父金氏。

真平王之弟國其安葛文王。母阿尼夫人。朴氏。奴追□□葛

永徽 庚戌 六

現慶 丙辰 五

龍朔 辛酉 三

麟德 甲子 二

乾封 丙寅 二

總章 戊辰 二

羅。 文王之女也。或云月明非也。丁未立。治七年。

大和 戊申 六 巳上中古。聖骨。巳下。下古。真骨。

第二十九、太宗武烈王。 名春 秋。金

氏。真智王子龍春。卓文與葛文王之子也。龍春一作龍樹。母天明夫人。諡文貞。大后。真平王之女也。妃訓帝夫人。諡文明。王后。庚立之妹。小名文熙也。甲寅立。治七年。

第三十、文武王。 名法敏。太宗之子也。母訓

帝夫人。妃慈義。一作訥。王后。善品。海干之女。辛酉立。治二十年。陵在感恩寺。東海中。

麗。

戊辰國除。

戊辰。合七百五年。

自東明甲申至

濟。

庚申國除。自溫祚癸卯至庚申。六百七十八年。



咸亨  
庚午四

上元  
甲戌二

儀鳳  
丙子三

調露  
己卯

永隆  
庚辰

開耀  
辛巳

永淳  
壬午

虎后

洪道  
癸未

文明  
甲申

垂拱  
乙酉四

第三十一、神文王。

金氏。名政明。字日炤。父文虎王。母慈訥王后。妃神穆王后。金運公之女。辛巳立。理十一年。

永昌己丑

周

天授庚寅二

長壽壬辰二

延載甲午

天册乙未

通天丙申

神功丁酉

聖曆戊戌二

久視庚子二

長安辛丑四

羅

第三十二、孝昭王。

名理恭。一作洪。金氏。父神文王。母神穆王后。壬辰立。理十年。陵在望德寺東。

第三十三、聖德王。

名興光。本名隆基。孝昭之母弟也。先妃陪昭王后。諡嚴貞。元大。之女也。後妃占勿王后。諡炤德。順元。

中宗

神龍

乙巳二

景龍

丁未三

睿宗

景雲

庚戌二

玄宗

先天

壬子

開元

癸丑二十九

天寶

壬午十四

肅宗

至德

丙申二

角干之女壬寅立。理三十五年。陵在東村南。一云楊長谷。

第三十四、孝成王。

第三十五、景德王。

金氏。名承慶。父聖德王。母炤德太后。妃惠明王后。眞宗角干之女。丁丑立。理五年。法流寺火葬。骨散東海。金氏。名憲英。父聖德王。母炤德太后。先妃三毛夫人。出宮无後。後妃滿月夫人。諡景垂王后。垂一作穆。依忠角干之女壬午立。理二十三年。初葬頃只寺西岑。鍊石爲陵。後移葬楊長谷中。

乾元 戊二

上元 庚二

寶應 壬寅

代宗

廣德 癸卯

永泰 乙巳

大曆 丙午

德宗

建中 庚申

興元 甲子

貞元 乙丑

羅。

第三十六、惠恭王。

十五年。

第三十七、宣德王。

足王后。狼品角干之女。庚申立。理五年。

第三十八、元聖王。

金氏。名乾運。父景德。母滿月王后。先妃神巴夫人。魏正角干之女。妃昌昌夫人。金將角干之女。乙巳立理

金氏。名亮相。父孝方海干。追封開聖大王。卽元訓角干之子。母四召夫人。諡貞懿。大后。聖德王之女。妃具

金氏。名敬慎。一作敬信。唐書云敬則。父孝讓。大阿干。追封明德大王。母仁。一云知鳥夫人。諡昭文王后。

順宗

昌近伊已之女。妃淑貞夫人。神迹角干之女。乙丑立。理十四年。陵在鵲寺。今崇福寺。有也式遠所立碑。

第三十九、昭聖王。

一作昭成王。金氏。名俊。父惠忠。大子。母聖穆。大后。妃桂花王后。夙明。公女。己卯立而崩。

永貞 乙酉

第四十、哀莊王。

金氏。名重熙。一云清明。父昭聖。母桂花王后。辛卯立。理十年。元和四年己丑七月十九日。王之叔父憲德。與

憲宗

德兩伊干所害而崩。

元和 丙戌 十五

第四十一、憲德王。

金氏。名彥升。昭聖王之母弟。妃貴勝娘。謚皇娥王后。忠恭。角干之女。己丑立。理十九年。陵在泉林村北。

穆宗

長慶 辛丑 四

敬宗

寶曆 乙巳 二

第四十二、興德王。

金氏。名景暉。憲德王母弟。妃昌花夫人。謚定穆王后。昭聖之女。丙午立。理十年。陵在安康北。比火壤。與

文宗

妃昌花合葬。

大和 丁未 九

開成 丙五  
辰五

羅。

第四十三、僖康王。

金氏。名愷隆。一作悌顯。父憲貞角干。諡與聖大王。一作翬成。禮英匣干子也。母美道夫人。一作深乃夫人。

一云巴利夫人。諡順成大后。忠行大阿干之女也。妃文穆王后。忠孝角干之女。一云重恭角干。丙辰年立。理二年。

第四十四、閔 一作 哀王。

敏 哀王。金氏。名明。父忠恭角干。追封宣康大王。母追封惠忠王之女貴巴夫人。諡宣懿王后。妃无容皇

后。永公角干之女。戊午立。至己未正月二十二日崩。

第四十五、神虎王。

金氏。名佑徵。父均貞角干。追封成德大王。母貞嫺夫人。追封祖禮英。為惠康大王。妃 從。一作繼。大后。

明海 之女。己未四月立。至十一月一十三日崩。

第四十六、文聖王。

金氏。名慶膺。父神虎王。母真從大后。妃 炤明王后。己未十一月立。理十九年。

虎宗

會昌 辛酉六

宣宗

大中 丁卯十三

第四十七、憲安王。

金氏。名誼靖。神虎王之弟。母 昕明夫人。戊寅立。理三年。

懿宗

咸通十四  
庚辰

第四十八、景文王。

金氏。名膺廉。父啓明角干。追封義一作恭大王。即僖康王之子也。母神虎王之女光和夫人。妃文資皇后。

僖宗

乾符甲  
午六

第四十九、憲康王。

金氏。名毅。父景文王。母文資皇后。  
一云義明王后。乙未立。理十一年。

廣明  
庚子

中和辛  
丑四

第五十、定康王。

金氏。名晃。閔哀王之母弟。丙午立。而崩。

光啓乙  
巳三

第五十一、眞聖女王。

金氏。名曼憲。即定康王之同母妹也。王之匹魏弘干小子孝恭王。十二月崩。火葬。散骨于牟梁西□。一作未黃山。

昭宗

文德戊  
申五

龍紀己  
酉六

第四十三、宣宗王。

金氏。名... 父... 母... 追封... 大角干... 追封惠成大王。丁未立。理十年。丁巳遜位。

羅。

大順 庚一

景福 壬二

乾寧 甲四

光化 戊三

天復 辛三

景宗

天祐 甲三

朱梁

開平 丁四

乾化 辛四

後高麗。

弓裔 大順庚戌。始投北原賊良

吉屯。丙辰。都鐵圓城。州也。

丁巳。移都松岳郡。

辛酉。稱高麗。

甲子。改國號摩震。置元虎泰。

後百濟。

甄萱 壬子。始都光州。

第五十二、孝恭王。

金氏。名曉。父憲康王。母文

資王后。丁巳立。理十五年。火葬師子寺北。骨藏于仇知堤東山脇。

第五十三、神德王。

朴氏。名景徽。本名秀宗。母貞花



末帝

貞明乙亥六

龍德辛巳二

夫人。夫人之父順弘角干。追諡成虎大王。祖元从角干。乃阿達羅王之遠孫。父文元伊干。追封與廉大王。祖文官海干。義父銳謙角干。追封宣成大王。妃資成王后。一云懿成。又孝資。壬申立。理五年。火葬藏骨于箴峴南。

第五十四、景明王。

朴氏。名昇英。父神德王。母資成。

妃長沙宅大尊角干。追封聖僖大王之子。大尊即水宗伊干之子。丁丑立。理七年。火葬皇福寺。散骨于省等仍山西。

甲戌。還鐵原。

太祖

戊寅六月裔死。太祖

即位于鐵原京。己卯。移都松岳郡。是年。創法王。慈雲。王輪。內帝釋。舍那。又創天禪院。即普新與。文殊。圓通。地藏。前十大寺。皆是年所創。庚辰。乳岩下立油市。故今俗利市云。乳下。十月。創大興寺。或系壬午。壬午。又創日月寺。或系辛巳。甲申。創外帝釋。神衆院。與

後唐

同光癸三  
未

明宗

天成丙四  
戌

長興庚四  
寅

閔帝末帝

清泰甲二  
午

石晉

天福丙八  
申

羅

第五十五、景哀王。

弟也。母資成甲申立。理二年。

朴氏。名魏膺。景明王之母。

第五十六、敬順王。

金氏。名傅。父孝宗伊干。追

封神興大王。祖官角汗。追封懿興大王。母桂娥。憲康王之

乙未。納土歸子

陵在。東向洞。

自五鳳甲子至乙未。合九百九十二年。

麗

國寺。丁亥。創智妙寺。己丑。創龜山。庚寅。安和禪院。

丙申統三

濟

乙未。萱子神劔纂父自立。是年國除。自壬子至此四十四年而亡。

前漢高惠小文景虎昭宣元成哀平孺

後漢光明 殤安順 桓靈農獻

魏晉宋齊梁陳隋

李唐 大 高則中睿玄肅代德順憲穆 文虎宣 僖昭景

朱梁後唐石晉劉漢郭周

大宋

明宗

同光末

後五十五景哀王

其明王之

其王五

登

羅

聖

齊

紀異卷第一。

叙曰。大抵古之聖人。方其禮樂興邦。仁義設教。則怪力亂神。在所不語。然而帝王之將興也。膺符命。受圖籙。必有以異於人者。然後能乘大變。握大器。成大業也。故河出圖。洛出書。而聖人作。以至虹繞神母而誕羲。龍感女登而生炎。皇娥遊窮桑之野。有神童自稱白帝子。交通而生小昊。簡狄吞卵而生契。姜嫄履跡而生弃。胎孕十四月而生堯。龍交大澤而生沛公。自此而降。豈可殫記。然則三國之始祖。皆發乎神異。何足怪哉。此紀異之所以慚諸篇也。意在斯焉。

古朝鮮。

王儉朝鮮。

魏書云。乃往二千載。有壇君王儉。立都阿斯達。經云無萊山。亦云白岳。在白州地。或云在開城東。今白岳宮是。開國號朝鮮。與高同時。古記云。昔有桓因謂帝釋也。庶子桓雄。數意天下。貪求人世。父知子意。下視三危。大伯。可以弘益人間。乃授天符印三。

簡遣往理之。雄率徒三千降於太伯山頂。即太伯，今妙香山。神壇樹下，謂之神

市。是謂桓雄天王也。將風伯、雨師、雲師，而主穀、主命、主病、主刑、主善

惡。凡主人間三百六十餘事。在世理化。時有一熊一虎同穴而居。常

祈于神雄。願化為人。時神遣靈艾一炷，蒜二十枚。曰：爾輩食之。不見

日光百日。便得人形。熊虎得而食之。忌三七日。熊得女身。虎不能忌。

而不得人身。熊女者無與為婚。故每於壇樹下咒願有孕。雄乃假化

而婚之。孕生子。號曰壇君王侯。以唐高即位五十年庚寅。唐堯即位元年戊辰。則五十年

丁巳，非庚寅也。疑其未實。都平壤城。今西京。始稱朝鮮。又移都於白岳山阿斯達。又名弓

一作方。忽山。又今赫達。御國一千五百年。周虎王即位己卯。封箕子於朝

鮮。壇君乃移於藏唐京。後還隱於阿斯達。為山神。壽一千九百八歲。

唐裴矩傳云。高麗本孤竹國。今海州。周以封箕子為朝鮮。漢分置三郡。

謂玄菟、樂浪、帶方。北帶方。通典亦同此說。漢書則真、臨、樂、玄四郡。今云三郡。名又不同。何耶。

魏滿朝鮮

前漢朝鮮傳云。自始燕時。常畧得眞番。朝鮮。師古曰。戰國時。燕國始略得此地也。爲置吏築

障。秦滅燕。屬遼東外徼。漢興。爲遠難守。復修遼東故塞。至泪水爲界。

師古曰。眞在樂浪郡。

屬燕。燕王盧綰反。入匈奴。燕人魏滿亡命。聚黨千餘人。東走

出塞。渡泪水。居秦故空地上下障。稍役屬眞番。朝鮮。蠻夷。及故燕齊

亡命者。王之。都王儉。

李曰。地名。臣讀曰。王儉。城在樂浪郡。泪水之東。

以兵威。侵降其旁小邑。眞番。

臨屯皆來服屬。方數千里。傳子至孫右渠。

師古曰。孫名右渠。

眞番。辰國欲上書

見天子。雍闕不通。

師古曰。辰謂辰韓。

元封二年。漢使涉何諭右渠。終不肯奉詔。

何去至界。臨泪水。使馭刺殺送何者。朝鮮裨王長。師古曰。送何者名也。即渡水。馭

入塞。遂歸報。天子拜何爲遼東之部都尉。朝鮮怨何。襲攻殺何。天子

遣樓舡將軍楊僕。從齊浮渤海。兵五萬。左將軍荀彘出遼。討右渠。右

渠發兵距嶮。樓舡將軍將齊七千人。先到王儉。右渠城守。規知樓舡

軍小。即出擊樓舡。樓舡敗走。僕失衆遁山中。獲免。左將軍擊朝鮮。淚

水西軍。未能破。天子爲兩將。未有利。乃使衛山因兵威。往諭右渠。右

渠請降。遣太子獻馬。人衆萬餘。持兵。方渡涇水。使者及左將軍疑其爲變。謂太子已服。宜毋持兵。太子亦疑使者詐之。遂不渡涇水。復引歸。報。天子誅山。左將軍破涇水上軍。迺前至城下。圍其西北。樓舡亦往會居城南。右渠堅守。數月未能下。天子以久不能決。使故濟南太守公孫遂往正之。有便宜將以從事。遂至。縛樓舡將軍。并其軍。與左將軍急擊朝鮮。朝鮮相路人。相韓陶。尼谿相參。將軍王峽。師古曰。尼谿地名。西人也。相與謀欲降。王不肯之。陶、峽、路人皆亡降漢。路人道死。元封三年夏。尼谿相參使人殺王。右渠來降。王儉城未下。故右渠之大臣成已。又反。左將軍使右渠子長。路人子最。告諭其民。謀殺成已。故遂定朝鮮。爲眞番。臨屯。樂浪。玄菟。四郡。

馬韓。

魏志云。魏滿擊朝鮮。朝鮮王準率宮人左右。越海而南至韓地。開國號馬韓。甄萱上太祖書云。昔馬韓先起。赫世勃興。於是百濟開國於

金馬山。崔致遠云。馬韓。麗也。辰韓。羅也。

據本紀。則羅先起甲子。麗後起甲申。而此云者。以王準言之耳。以此知東明之

起。已并馬韓而因之矣。故稱麗為馬韓。今人或認金馬山。以馬韓為百濟者。蓋誤濫也。麗地自有邑山。名馬韓也。

四夷。九夷。九韓。穢

貊。周禮職方氏掌四夷九貉者。東夷之種。即九夷也。三國史云。溟州。

古穢國。野人耕田。得穢王印獻之。又春州古牛首州古貊國。又或

云。今朔州是貊國。或平壤城為貊國。淮南子注云。東方之夷九種。

論語正義云。九夷者。一玄菟。二樂浪。三高麗。四滿飾。五

鳧夷。六素家。七東屠。八倭人。九天鄙。海東安弘記云。九

韓者。一日本。二中華。三吳越。四毛羅。五鷹遊。六靺鞨。

七丹國。八女真。九穢貊。

### 二府

前漢書。昭帝始元五年己亥。置二外府。謂朝鮮舊地平那。及玄菟郡

等。為平州都督府。臨屯。樂浪等兩郡之地。置東部都尉府。

私曰。朝鮮傳。則真番。玄菟。

臨屯。樂浪等四。今有平那。無真番。蓋一地二名也。



七十二國

通典云。朝鮮之遺民分爲七十餘國。皆地方百里。後漢書云。西漢以朝鮮舊地初置爲四郡。後置二府。法令漸煩。分爲七十八國。各萬戶。

馬韓在西。有五十。四小邑。皆稱國。辰韓在東。有十二小邑。稱國。下韓在南。有十二小邑。各稱國。

樂浪國

前漢時。始置樂浪郡。應邵曰。故朝鮮國也。新唐書注云。平壤城。古

漢之樂浪郡也。國史云。赫居世三十年。樂浪人來投。又第三弩

禮王四年。高麗第三無恤王伐樂浪滅之。其國人與帶方北帶投于

羅。又無恤王二十七年。光武帝遣使伐樂浪。取其地爲郡縣。薩水已

南屬漢。據上諸文。樂浪即平壤城。宜矣。或云。樂浪牛頭山下。鞞鞞之界。薩水。今大同江也。未詳孰是。又百濟溫祚之言曰。東有

樂浪。北有靺鞨。則始古漢時樂浪郡之屬縣之地也。新羅人亦以稱

樂浪。故今本朝亦因之而稱樂浪郡夫人。又太祖降女於金傅。亦曰

樂浪公主。

北帶方。

北帶方，本竹覃城。新羅弩禮王四年，帶方人與樂浪人投于羅。

此皆前漢

所置二郡名。其後併稱國。今來降。

南帶方。

曹魏時始置南帶方郡。今南原府。故云帶方之南海水千里。曰瀚海。

後漢建安

中。以馬韓南荒地爲帶方郡。倭韓遂屬是也。

靺鞨。一作渤海。

通典云。渤海，本粟末靺鞨。至其酋祚榮立國。自號震旦。先天中。文宗壬子。

始去靺鞨號。專稱渤海。開元七年己未祚榮死。諡爲高王。世子襲立。明

皇賜典冊襲王。私改年號。遂爲海東盛國。地有五京。十五府。六十二

州。後唐天成初，契丹攻破之。其後爲丹所制。三國史云。儀鳳三年，高宗戊寅。高麗殘孽類聚。北依太伯山下。

國號渤海。開元二十年間，明皇遣將討之。又聖德王三十二年，玄宗甲戌，渤海靺鞨越海侵唐之登州。玄宗討之。又新羅古記云。高麗舊將祚榮姓大氏。乘殘兵立國於大伯山南。國號渤海。按上

諸文。渤海乃靺鞨之別種。但開合不同而已。按指掌圖。渤海在長城東北角外。賈耽郡國志云。渤海國之鴨渌、南海、扶

餘。櫛城四府。並是高麗舊地也。自新羅泉井郡。地理志。朔州領縣。有泉井郡。今湧州。至櫛城

府。三十九驛。又三國史云。百濟末年。渤海、靺鞨、新羅分百濟地。據此。則靺鞨

海又分爲二國也。羅人云。北有靺鞨。南有倭人。西有百濟。是國之害也。又靺

鞨地接阿瑟羅州。又東明記云。卒本城地連靺鞨。或云。今東真。羅第六祗

麻王十四年。乙丑靺鞨兵大入北境。襲大嶺柵。過泥河。後魏書。靺鞨

作勿吉。指掌圖云。挹婁與勿吉皆肅慎也。黑水。沃沮。按東

坡指掌圖。辰韓之北有南北黑水。按東明帝立十年滅北沃沮。温

祚王四十二年。南沃沮二十餘家來投新羅。又赫居世五十二年。東

沃沮來獻良馬。則又有東沃沮矣。指掌圖。黑水在長城北。沃沮在長

城南。

伊西國

弩禮王十四年。伊西國人來攻金城。按雲門寺古傳。諸寺納田記

云。貞觀六年壬辰。伊西郡今郃付零味寺納田。則今郃村今清道地。

即清道郡古伊西郡也。

五伽耶。

按。駕洛記贊云。垂一紫纒。下六圓卵。五爵各邑。一在技城。則一為首隣王。餘五各為五伽耶之主。金官不入五數。當矣。而本朝史略。並數金官。而濫記昌

阿羅

一作耶

伽耶。

今咸安。

古寧伽耶。

今咸寧。

大伽耶。

今高靈。

星山伽耶。

今京山。

小伽

耶。

今固城。

又本朝史畧云。太祖天福五年庚子。改五伽耶名。一。金官。為金海府。

二。古寧。

為加利縣。

三。非火。

今昌寧。

餘一。阿羅。星山。

同前。

星山伽耶。

同前。

星山或作碧珍伽耶。

北扶餘。

古記云。前漢書宣帝神爵三年壬戌四月八日。天帝降于訖升骨城。

在大遼醫州界。

乘五龍車。立都稱王。國號北扶餘。自稱名解慕漱。生子名扶

婁。以解為氏焉。王後因上帝之命。移都于東扶餘。東明帝繼北扶餘

而興。立都于卒本川。為卒本扶餘。即高句麗之始祖。

東扶餘。

北扶餘王解夫婁之相阿蘭弗。夢天帝降而謂曰。將使吾子孫立國

於此。汝其避之。謂東明將興之兆也。東海之濱有地。名迦葉原。土壤膏腴。宜立王都。阿蘭弗勸王。移都於彼國。號東扶餘。夫婁老無子。一日祭山川求嗣。所乘馬至鯤淵。見大石。相對俠流。王怪之。使人轉其石。有小兒。金色蛙形。王喜曰。此乃天賚我胤乎。乃收而養之。名曰金蛙。及其長。為太子。夫婁薨。金蛙嗣位為王。次傳位于太子帶素。至地皇三年壬午。高麗王無恤伐之。殺王帶素。國除。

高句麗

高句麗。即卒本扶餘也。或云。今和州。又成州等。皆誤矣。卒本州在遼東界。國史高麗本記云。始祖東明聖帝。姓。言氏。諱。朱蒙。先是。北扶餘王解夫婁。既避地于東扶餘。及夫婁薨。金蛙嗣位。于時得一女子於太伯山南優渤水。問之。云。我是河伯之女。名柳花。與諸弟出遊。時有一男子。自言天帝子解慕漱。誘我於熊神山下鴨綠邊室中。私之而往不返。壇君記云。君與西河河伯女要親。有產子。名曰夫婁。今按此記。則解慕漱私河伯之女。而後產朱蒙。壇君記云。產子名曰夫婁。夫婁與朱蒙異母兄弟也。父母

責我無媒而從人。遂謫居于此。金蛙異之。幽閉於室中。爲日光所照。引身避之。日影又逐而照之。因而有孕。生一卵。大五升許。王弃之與犬猪。皆不食。又弃之路。牛馬避之。弃之野。鳥獸覆之。王欲剖之。而不能破。乃還其母。母以物裹之。置於暖處。有一兒破殼而出。骨表英奇。年甫七歲。崑巖異常。自作弓矢。百發百中。國俗謂善射爲朱蒙。故以名焉。金蛙有七子。常與朱蒙遊戲。技能莫及。長子帶素言於王曰。朱蒙非人所生。若不早圖。恐有後患。王不聽。使之養馬。朱蒙知其駿者。減食令瘦。驚者善食令肥。王自乘肥。瘦者給蒙。王之諸子與諸臣將謀害之。蒙母知之。告曰。國人將害汝。以汝才略。何往不可。宜速圖之。於是蒙與烏伊等三人爲友。行至淹水。今未詳告水曰。我是天帝子。河伯孫。今日逃遁。追者垂及。奈何。於是魚鼈成橋。得渡而橋解。追騎不能渡。至卒本州。文苑郡之界遂都焉。未遑作宮室。但結廬於沸流水上居之。國號高句麗。因以高爲氏。本姓解也。今自言是天帝子。承日光而生。故自以高爲氏。時年十二歲。漢孝元

帝建昭二年甲申歲。即位稱王。高麗全盛之日。二十一萬五百八  
 戶。珠琳傳第二十一卷載。昔寧稟離王侍婢有娠。相者占之曰。貴而  
 當王。王曰。非我之胤也。當殺之。婢曰。氣從天來。故我有娠。及子之產。  
 謂為不祥。捐圈則猪噓。弃欄則馬乳。而得不死。卒為扶餘之王。即東明  
 帝為卒

本扶餘王之謂也。此卒本扶餘。亦是北扶餘之別  
 都。故云扶餘王也。寧稟離乃夫婁王之異稱也。

卞韓。百濟。亦云南扶餘  
 即泗泚城也。

新羅始祖赫居世即位十九年壬午。卞韓人以國來降。新舊唐書云。  
 卞韓苗裔在樂浪之地。後漢書云。卞韓在南。馬韓在西。辰韓在東。  
 致遠云。卞韓。百濟也。按本記。溫祚之起在鴻嘉四年甲辰。則後於  
 赫世東明之世四十餘年。而唐書云。卞韓苗裔在樂浪之地。云者。謂  
 溫祚之系出自東明。故云耳。或有人出樂浪之地。立國於卞韓。與馬  
 韓等並峙者。在溫祚之前爾。非所都在樂浪之地也。或者濫九龍山  
 亦名卞那山。故以高句麗為卞韓者。蓋謬。當以古賢之說為是。百濟

地自有卞山。故云卞韓。百濟全盛之時。十五萬二千三百戶。

辰韓。亦作秦韓。

後漢書云。辰韓耆老自言。秦之亡人來適韓國。而馬韓割東界地以與之。相呼為徒。有似秦語。故或名之為秦韓。有十二小國。各萬戶。稱國。又崔致遠云。辰韓本燕人避之者。故取涿水之名。稱所居之邑里。云沙涿。漸涿等。羅人方言。讀涿音為道。故今或作沙梁。梁亦讀道。新羅全盛之時。京中十七萬八千九百三十六戶。一千三百六十坊。五十五里。三十五金入宅。

言富潤大宅也。

南宅。北宅。圻比所宅。本彼宅。梁宅。池上宅。本彼部。

財買井宅。度信公祖宗。北維宅。南維宅。反番寺下坊。隊宅。賓支宅。反番寺犯。長

沙宅。上櫻宅。下櫻宅。水望宅。泉宅。楊上宅。梁南。漢歧宅。

法流寺南。

鼻穴宅。同。上坊。別教宅。北川。衙南宅。金楊宗宅。梁官寺南。

曲水宅。北川。柳也宅。寺下宅。沙梁宅。井上宅。里南宅。寺所。

思內曲宅。池宅。大宿宅。林上宅。青龍之寺。東方有池。橋南宅。巷



叱宅。本彼部。樓上宅。里上宅。榆南宅。井下宅。

又四節遊宅。

春、東野宅。夏、谷良宅。秋、仇知宅。冬、加伊宅。

第四十九憲康大王代。城中無一草屋。接角連墻。歌吹滿路。晝夜不絕。

新羅始祖。赫居世王。

辰韓之地。古有六村。一曰、闕川楊山村。南今曇嚴寺。長曰謁平。初降

于瓢崑峯。是為及梁部李氏祖。奴禮王九年置。名及梁部。本朝太祖天福五年。二庚子。改名中興部。波替東山。彼上。東村屬焉。

曰、突山高墟村。長曰蘇伐都利。初降于兄山。是為沙梁部。梁讀云道。或作涿。亦音道。

鄭氏祖。今日南山部。仇良伐麻等鳥道北。廻德等南村屬焉。稱今日者。大祖所置。

也。下例知。三曰、茂山大樹村。長曰俱。仇一作禮馬。初降于伊山。一作皆比山。是為

漸梁。一作涿。部。又牟梁部孫氏之祖。今云長福部。朴谷村等西村屬焉。

四曰、觜山珍支村。一作賓子。又水之。又賓子。又水之。又長曰智伯虎。初降于花山。是為本彼部

崔氏祖。今日通仙部。柴巴等東南村屬焉。致遠乃本彼部人也。今皇

龍寺南。味吞寺南有古墟云。是崔侯古宅也。殆明矣。五曰。金山加

利村。寺之北山也。今金剛山栢栗。長曰。祇沱。一作他。初降于明活山。是爲漢岐部。又作

韓歧部。裴氏祖。今云加德部。上下西知。乃兒等東村屬焉。六曰。明

佉山高耶村。長曰。虎珍。初降于金剛山。是爲習比部。薛氏祖。今臨川

部。勿伊村。仍仇於村。闕谷。一作葛谷。等東北村屬焉。按上文。此六部之

祖。似皆從天而降。弩禮王九年。始改六部名。又賜六姓。今俗中興部

爲母。長福部爲父。臨川部爲子。加德部爲女。其實未詳。前漢地節元

年壬子。古本云。建虎元年。又云。建元三年等。皆誤。三月朔。六部祖各率子弟。俱會於闕川岸上。

議曰。我輩上無君主。臨理蒸民。民皆放逸。自從所欲。蓋覓有德人。爲

之君主。立邦設都乎。於是乘高南望。楊山下。蘿井傍。異氣如電光垂

地。有一白馬。跪拜之狀。尋檢之。有一紫卵。一云青大卵。馬見人。長嘶上天。剖

其卵。得童男。形儀端美。驚異之。浴於東泉。東泉寺在阿闍野北。身生光彩。鳥獸率

舞。天地振動。日月清明。因名赫居世王。

蓋鄉言也。或作弗矩內王。言光明理中也。說者云。是西述聖母之所誕也。故中

華人讚仙桃聖母。有娠賢肇邦之語是也。乃至雞龍現瑞產闕英。又焉知非西述聖母之所現耶。

位號曰居瑟那。

或作居西干。初開口之時。自稱云闕智居

西干。一起因其言稱之。自後為王者之尊稱。

時人爭賀曰。今天子已降。宜寬有德女君配之。是

日。沙梁里闕英井。

一作娥利英井。

邊有雞龍現。而左脇誕生童女。

一云龍現死。而剖其腹得之。

姿容殊麗。然而唇似雞觜。將浴於月城北川。其觜撥落。因名其川曰

撥川。營宮室於南山西麓。

今昌林寺。

奉養二聖兒。男以卵生。卵如瓠。鄉人

以瓠為朴。故因姓朴。女以所出井名之。二聖年至十三歲。以五鳳

元年甲子。男立為王。仍以女為后。國號徐羅伐。

今俗訓京字云。徐伐。以此故也。

或云斯羅。又斯盧。初王生於雞井。故或云雞林國。以其雞龍現瑞也。

一說。脫解王時得金闕智。而雞鳴於林中。乃改國號為雞林。後世遂

定新羅之號。理國六十一年。王升于天。七日後。遺體散落于地。后亦

云亡。國人欲合而葬之。有大蛇逐禁。各葬五體為五陵。亦名蛇陵。曇

嚴寺北陵是也。大子南解王繼位。

第二、南解王。

南解居西干。亦云。次次雄。是尊長之稱。唯此王稱之。父赫居世。母闕

英夫人。妃雲帝夫人。

一作雲梯。今迎日縣西有雲梯山聖母。新早有應。

前漢平帝元始四年甲子。即

位。御理二十一年。以地皇四年甲申崩。此王乃三皇之弟一云。按三

國史云。新羅稱王曰居西干。辰言王也。或云。呼貴人之稱。或曰。次次

雄。或作慈充。金大問云。次次雄方言謂巫也。世人以巫事鬼神。尙

祭祀。故畏敬之。遂稱尊長者爲慈充。或云。尼師今。言謂齒理也。初南

解王薨。子弩禮讓位於脫解。解云。吾聞聖智人多齒。乃試以餅噬之。

古傳如此。或曰。麻立干。

作立一。

金大問云。麻立者。方言謂概也。概標準

位而置。則王概爲主。臣概列於下。因以名之。史論曰。新羅稱居西干。

次次雄者一。尼師今者十六。麻立干者四。羅末名儒崔致遠作帝王

年代曆。皆稱某王。不言居西干等。豈以其言鄙野不足稱之也。今記

新羅事。具存方言。亦宜矣。羅人凡追封者稱葛文王。未詳。此王代樂

浪國人來侵金城。不克而還。又天鳳五年戊寅。高麗之神屬七國來投。

第三、弩禮王。

朴弩禮尼叱今。一作禮王。初王與妹夫脫解讓位。脫解云。凡有德者多齒。宜以齒理試之。乃咬餅驗之。王齒多。故先立。因名尼叱今。尼叱今之稱自此王始。劉聖公更始元年癸未。即位。年表云。甲申即位。改定六部號。仍賜六姓。始作兜率歌。有嗒辭詞。騰格。始製黎耜及藏冰庫。作車乘。建虎十八年。伐伊西國滅之。是年。高麗兵來侵。

第四、脫解王。

脫解齒叱今。一作吐解。尼師今。南解王時。古本云。壬寅年。至者謬矣。近則後於弩禮即位之初。無爭讓之事。前則在於赫居之世。故知壬寅非也。駕洛國海中有船來泊。其國首露王與臣民鼓譟而迎。將欲留之。而舡乃飛走。至於雞林東下西知村阿珍浦。今有上西知。下西知村名。時浦邊有一嫗。名阿珍義先。乃赫居王之海尺之母。望之謂曰。此海中元無石崑。何

因鵲集而鳴。拏舡尋之。鵲集一舡上。舡中有一櫃子。長二十尺。廣十三尺。曳其船置於一樹林下。而未知凶乎吉乎。向天而誓爾。俄而乃開見。有端正男子。并七寶奴婢滿載其中。供給七日。廼言曰。我本龍城國人。亦云正明國。或云瑋夏國。瑋夏或作花圍國。龍城在俄東北一千里。我國嘗有二十八龍王。從人胎而生。自五歲六歲。繼登王位。教萬民修正性命。而有八品姓骨。然無棟擇。皆登大位。時我父王含達婆。媵積女國王女爲妃。久無子胤。禱祀求息。七年後產一大卵。於是大王會問羣臣。人而生卵。古今未有。殆

非吉祥。乃造櫓置我。并七寶奴婢載於舡中。浮海而祝曰。任到有緣之地。立國成家。便有赤龍護舡而至此矣。言訖。其童子曳杖率二奴。登吐含山上。作石塚。留七日。望城中可居之地。見一峯如三日月。勢可久之地。乃下尋之。即瓠公宅也。乃設詭計。潛埋礪炭於其側。詰朝至門云。此是吾祖代家屋。瓠公云否。爭訟不決。乃告于官。官曰。以何驗是汝家。童曰。我本治匠。乍出隣鄉。而人取居之。請掘地檢看。從之。

果得礪炭。乃取而居焉。時南解王知脫解是智人。以長公主妻之。是為阿尼夫人。一日吐解登東岳。廻程次。令白衣索水飲之。白衣汲水中路先嘗而進。其角盃貼於口不解。因而嘔之。白衣誓曰。爾後若近遙不敢先嘗。然後乃解。自此白衣誓服。不敢欺罔。今東岳中有一井。俗云遙乃井是也。及弩禮王崩。以光虎帝中元二年丁巳六月。乃登王位。以昔是吾家取他人家。故因姓昔氏。或云。因鵲開橫。故去鳥字。姓昔氏。解橫脫卵而生。故因名脫解。在位二十三年。建初四年己卯崩。葬疏川丘中。後有神詔。慎埋葬我骨。其髑髏周三尺二寸。身骨長九尺七寸。齒凝如一。骨節皆連瑣。所謂天下無敵力士之骨。碎為塑像。安闕內。神又報云。我骨置於東岳。故令安之。

日辛酉夜。見夢於太宗。有老人貌甚威猛。曰。我是脫解也。按我骨於疏川丘。塑像安於工舍山。王從其言。故至今國祀不絕。即東岳神也。云。

一云。崩後二十七世文虎王代。調露二年庚辰三月十五

金闕智。脫解王代。

永平三年庚申

一云中元六年。誤矣。中元盡二年而已。

八月四日。瓠公夜行月城西里。見大

光明於始林中。一作鳩林有紫雲從天垂地。雲中有黃金櫃。掛於樹枝。光自橫出。亦有白雞鳴於樹下。以狀聞於王。駕幸其林。開櫃有童男。臥而即起。如赫居世之故事。故因其言。以闕智名之。闕智即鄉言小兒之稱也。抱載還闕。鳥獸相隨。喜躍踴躍。王擇吉日。冊位太子。後讓故婆婆。不即王位。因金櫃而出。乃姓金氏。闕智生藝漢。漢生阿都。都生首留。留生郁部。部生俱道。一作仇刀道生未鄒。鄒即王位。新羅金氏自闕智始。

延烏郎。細烏女。

第八阿達羅王即位四年丁酉。東海濱有延烏郎細烏女。夫婦而居。一日延烏歸海採藻。忽有一巖。一云一魚負歸日本。國人見之曰。此非常人也。乃立爲王。按日本帝記。前後無新羅人爲王者。此乃邊邑小王。而非眞王也。細烏恠夫不來歸尋之。見夫脫鞋。亦上其巖。巖亦負歸如前。其國人驚訝。奏獻於王。夫婦相會。立爲貴妃。是時新羅日月無光。日者奏云。日月之精。降在我國。今去日



本。故致斯怪。王遣使求二人。延烏曰。我到此國。天使然也。今何歸乎。雖然。朕之妃有所織細絹。以此祭天可矣。仍賜其絹。使人來奏。依其言而祭之。然後日月如舊。藏其絹於御庫。爲國寶。名其庫爲貴妃庫。祭天所。名迎日縣。又都祈野。

未鄒王。竹葉軍。

第十三。未鄒尼叱今。

一作未祖。又未古。

金闕智七世孫。赫世紫纓。仍有聖德。

受禪于理解。始登王位。

今俗稱王之陵爲始祖堂。蓋以金氏始登王位。故後代金氏諸王皆以未鄒爲始祖。宜矣。

在位二十

三年而崩。陵在興輪寺東。第十四。儒理王代。伊西國人來攻金城。我大舉防禦。久不能抗。忽有異兵來助。皆珥竹葉。與我軍并力。擊賊破之。軍退後不知所歸。但見竹葉積於未鄒陵前。乃知先王陰隲有功。因呼竹現陵。越三十七世。惠恭王代。大曆十四年己未四月。忽有旋風。從庾信公塚起。中有一人。乘駿馬。如將軍儀狀。亦有衣甲器仗者。四十許人。隨從而來。入於竹現陵。俄而陵中似有振動哭泣聲。或如

告訴之音。其言曰。臣平生有輔時救難匡合之功。今爲魂魄。鎮護邦國。攘災救患之心。暫無偷改。往者庚戌年。臣之子孫無罪被誅。君臣不念我之功烈。臣欲遠移他所。不復勞動。願王允之。王答曰。惟我與公不護此邦。其如民庶何。公復努力如前。三請三不許。旋風乃還。王聞之懼。乃遣工臣金敬信。就金公陵謝過焉。爲公立功德寶田三十結于鷲仙寺。以資冥福。寺乃金公討平壤後。植福所置故也。非未鄰之靈。無以遏金公之怒。王之護國不爲不大矣。是以邦人懷德。與三山同祀而不墜。躋秩于五陵之上。稱大廟云。

奈勿王。

一作那密王。

金堤上。

第十七。那密王即位三十六年庚寅。倭王遣使來朝曰。寡君聞大王之神聖。使臣等以告百濟之罪於大王也。願大王遣一王子。表誠心於寡君也。於是王使第三子美海。一作未叱喜。以聘於倭。美海年十歲。言辭動止猶未備具。故以內臣朴娑覽爲副使而遣之。倭王留而不送三

十年。至訥祇王即位三年己未。句麗長壽王遣使來朝云。寡君聞大王之弟寶海秀智才藝。願與相親。特遣小臣懇請。王聞之幸甚。因此和通。命其弟寶海。道於句麗。以內臣金武謁爲輔而送之。長壽王又留而不送。至十年乙丑。王召集群臣及國中豪俠。親賜御宴。進酒三行。衆樂初作。王垂涕而謂群臣曰。昔我聖考誠心民事。故使愛子東聘於倭。不見而崩。又朕即位已來。隣兵甚熾。戰爭不息。句麗獨有結親之言。朕信其言。以其親弟聘於句麗。句麗亦留而不送。朕雖處富貴。而未嘗一日暫忘而不哭。若得見二弟。共謝於先主之廟。則能報恩於國人。誰能成其謀策。時百官咸奏曰。此事固非易也。必有智勇方可。臣等以爲歃羅郡大守堤上可也。於是王召問焉。堤上再拜對曰。臣聞主憂臣辱。主辱臣死。若論難易而後行。謂之不忠。圖死生而後動。謂之無勇。臣雖不肖。願受命行矣。王甚嘉之。分觴而飲。握手而別。堤上簾前受命。徑趨北海之路。變服入句麗。進於寶海所。共謀逸

期。先以五月十五日歸。泊於高城水口而待。期日將至。寶海稱病。數日不朝。乃夜中逃出。行到高城海濱。王知之。使數十人追之。至高城而及之。然寶海在句麗。常施恩於左右。故其軍士憫傷之。皆拔箭鏃而射之。遂免而歸。王既見寶海。益思美海。一欣一悲。垂淚而謂左右曰。如一身有一臂。一面一眼。雖得一而亡一。何敢不痛乎。時堤上聞此言。再拜辭朝而騎馬。不入家而行。直至於栗浦之濱。其妻聞之。走馬追至栗浦。見其夫已在舡上矣。妻呼之切懇。堤上但搖手而不駐。行至倭國。詐言曰。雞林王以不罪殺我父兄。故逃來至此矣。倭王信之。賜室家而安之。時堤上常陪美海遊海濱。逐捕魚鳥。以其所獲每獻於倭王。王甚喜之而無疑焉。適曉霧濛晦。堤上曰。可行矣。美海曰。然則偕行。堤上曰。臣若行。恐倭人覺而追之。願臣留而止其追也。美海曰。今我與汝如父兄焉。何得弃汝而獨歸。堤上曰。臣能救公之命而慰大王之情。則足矣。何願生乎。取酒獻美海。時雞林人康仇麗在

倭國以其人從而送之。堤上入美海房。至於明旦。左右欲入見之。堤上出止之曰。昨日馳走於捕獵。病甚。未起。及乎日暮。左右恠之而更問焉。對曰。美海行已久矣。左右奔告於王。王使騎兵逐之。不及。於是囚堤上。問曰。汝何竊遣汝國王子耶。對曰。臣是雞林之臣。非倭國之臣。今欲成吾君之志耳。何敢言於君乎。倭王怒曰。今汝已爲我臣。而言雞林之臣。則必具五刑。若言倭國之臣者。必賞重祿。對曰。寧爲雞林之犬狔。不爲倭國之臣子。寧受雞林之箠楚。不受倭國之爵祿。王怒。命屠剝堤上脚下之皮。刈葦葭使趨其上。今葦葭上有血痛。俗云堤上之血。更問曰。汝何國臣乎。曰。雞林之臣也。又使立於熱鐵上。問何國之臣乎。曰。雞林之臣也。倭王知不可屈。燒殺於木島中。美海渡海而來。使康仇麗先告於國中。王驚喜。命百官迎於屈歇驛。王與親弟寶海迎於南郊。入闕設宴。大赦國內。冊其妻爲國大夫人。以其女子爲美海公夫人。議者曰。昔漢臣周苛在滎陽。爲楚兵所虜。項羽謂周苛曰。汝爲我臣。封

爲萬祿侯。周苛罵而不屈，爲楚王所殺。堤上之忠烈，無恠於周苛矣。初堤上之發去也。夫人聞之，追不及。及至望德寺門南，沙上放臥長號。因名其沙曰長沙。親戚二人扶掖將還。夫人舒脚，坐不起。名其地曰伐知旨。久後夫人不勝其慕，率三娘子上鵝述嶺，望倭國痛哭而終。仍爲鵝述神母。今祠堂存焉。

### 第十八、實聖王。

義熙九年癸丑，平壤州大橋成。

恐南平壤也。今楊州。

王忌憚前王太子訥祇有德

望，將害之。請高麗兵而詐迎訥祇。高麗人見訥祇有賢行，乃倒戈而殺王，乃立訥祇爲王而去。

### 射琴匣。

第二十一毗處王

一作智王。

即位十年戊辰，幸於天泉亭。時有鳥與鼠來

鳴。鼠作人語云：此鳥去處尋之。

或云：神德王欲行香與輪寺，路見衆鼠舍尾，恠之而還占之。明日先鳴鳥尋之云：此說非也。

王

命騎士追之。南至避村。

今壤避寺村。在南山東麓。

兩猪相鬪，留連見之，忽失鳥所在。

徘徊路旁。時有老翁自池中出奉書。外面題云。開見二人死。不開一人死。使來獻之。王曰。與其二人死。莫若不開。但一人死耳。日官奏云。二人者庶民也。一人者王也。王然之。開見書中云。射琴匣。王入宮見琴匣射之。乃內殿焚修僧與宮主潛通而所姦也。二人伏誅。自爾國俗每正月上亥。上子上午等日。忌慎百事。不敢動作。以十五日爲烏忌之日。以糲飯祭之。至今行之。俚言怛切。言悲愁而禁忌百事也。命其池曰書出池。

智哲老王。

第二十二。智哲老王。姓金氏。名智大路。又智度路。諡曰智澄。諡號始于此。又鄉稱王爲麻立干者。自此王始。王以永元二年庚辰即位。云或

辛巳。則三年也。

王陰長一尺五寸。難於嘉耦。發使三道求之。使至牟梁部。冬老樹下見二狗嚙一屎塊如鼓大。爭嚙其兩端。訪於里人。有一小女告云。此部相公之女子洗滌于此。隱林而所遺也。尋其家檢之。身長

七尺五寸。具事奏聞。王遣車邀入宮中。封爲皇后。群臣皆賀。又阿

瑟羅州。

今漢州。

東海中。便風二日程。有弓陵島。

今作羽陵。

周廻二萬六千七

百三十步。島夷恃其水深。憍傲不臣。王命伊噲朴伊宗。將兵討之。宗作木偶師子。載於大艦之上。威之云。不降則放此獸。島夷畏而降。賞伊宗爲州伯。

### 眞興王。

第二十四。眞興王。即位時年十五歲。太后攝政。太后乃法興王之女子。立宗葛文王之妃。終時削髮。被法衣而逝。承聖三年九月。百濟兵來侵於珍城。掠取人男女三萬九千。馬八千匹而去。先是。百濟欲與新羅合兵。謀伐高麗。眞興曰。國之興亡在天。若天未厭高麗。則我何敢望焉。乃以此言通高麗。高麗感其言。與羅通好。而百濟怨之。故來爾。

桃花女。

鼻荊郎。



第二十五、舍輪王。諡眞智大王。姓金氏。妃起烏公之女。知刀夫人。大建八年丙申即位。古本云十一年已亥。誤矣。御國四年。政亂荒淫。國人廢之。前此。沙

梁部之庶女。姿容艷美。時號桃花娘。王聞而召致宮中。欲幸之。女曰。女之所守。不事二夫。有夫而適他。雖萬乘之威。終不奪也。王曰。殺之何。女曰。寧斬于市。有願靡他。王戲曰。無夫則可乎。曰。可。王放而遣之。是年。王見廢而崩。後二年。其夫亦死。浹旬忽夜中。王如平昔來於女房。曰。汝昔有諾。今無汝夫。可乎。女不輕諾。告於父母。父母曰。君王之教。何以避之。以其女入於房。留御七日。常有五色雲覆屋。香氣滿室。七日後忽然無蹤。女因而有娠。月滿將產。天地振動。產得一男。名曰鼻荊。眞平大王聞其殊異。收養宮中。年至十五。授差執事。每夜逃去遠遊。王使勇士五十人守之。每飛過月城。西去荒川岸上。在京西率鬼衆遊。勇士伏林中窺伺。鬼衆聞諸寺曉鐘各散。郎亦歸矣。軍士以事來奏。王召鼻荊曰。汝領鬼遊。信乎。郎曰。然。王曰。然則汝使鬼衆成橋。

於神元寺北渠。

一作神樂寺。誤。一云荒川東深渠。

荆奉勅使其徒鍊石成大橋於一夜。故

名鬼橋。王又問鬼衆之中有出現人間輔朝政者乎。曰有吉達者。可輔國政。王曰與來。翌日荆與俱見。賜爵執事。果忠直無雙。時角干林宗無子。王勅爲嗣子。林宗命吉達創樓門於興輪寺南。每夜去宿其門上。故名吉達門。一日吉達變狐而遁去。荆使鬼捉而殺之。故其衆聞鼻荆之名。怖畏而走。時人作詞曰。聖帝魂生子。鼻荆郎室亭。飛馳諸鬼衆。此處莫留停。鄉俗帖此詞以辟鬼。

天賜玉帶

濟奉四年丁酉五月。正承金傳獻。鑄金銜玉排方腰帶一條。長十圍。鑄鑄六十二。曰是真平王天賜帶也。太祖受之。藏之內庫。

第二十六。白淨王。謚眞平大王。金氏。大建十一年己亥八月即位。身長十一尺。駕幸內帝釋宮。

亦名天柱寺。王之所創。

踏石梯。三石並折。王謂左右曰。

不動此石。以示後來。即城中五不動石之一也。即位元年。有天使降於殿庭。謂王曰。上皇命我傳賜玉帶。王親奉跪受。然後其使上天。凡郊廟大祀皆服之。後高麗王將謀伐羅。乃曰。新羅有三寶不可犯。何

謂也。皇龍寺丈六尊像一。其寺九層塔。二。眞平王天賜玉帶。三也。乃止其謀。讚曰。雲外天頒玉帶圍。辟雍龍袞雅相宜。吾君自此身彌重。准擬明朝鐵作堦。

善德王知幾三事。

第二十七。德曼。一作諡善德女大王。姓金氏。父眞平王。以貞觀六年壬辰卽位。御國十六年。凡知幾有三事。初唐太宗送畫牧丹。三色紅紫白。以其實三升。王見畫花曰。此花定無香。仍命種於庭。待其開落。果如其言。二。於靈廟寺玉門池。冬月衆蛙集鳴三四日。國人恠之。問於王。王急命角干闕川。弼吞等。鍊精兵二千人。速去西郊。問女根谷。必有賊兵。掩取殺之。二角干旣受命。各率千人。問西郊。富山下。果有女根谷。百濟兵五百人。來藏於彼。並取殺之。百濟將軍丐召者。藏於南山嶺石上。又圍而射之。殪。又有後兵一千二百人來。亦擊而殺之。一無子遺。三。王無恙時。謂群臣曰。朕死於其年某月日。葬我於勿利。

天中群臣罔知其處。奏云何所。王曰：狼山南也。至其月日，王果崩。群臣葬於狼山之陽。後十餘年，文虎大王創四天王寺於王墳之下。佛經云：四天王天之上，有忉利天。乃知大王之靈聖也。當時群臣啓於王曰：何知花蛙二事之然乎。王曰：畫花而無蝶，知其無香。斯乃唐帝欺寡人之無耦也。蛙有怒形，兵士之像。玉門者，女根也。女爲陰也。其色白，白西方也。故知兵在西方。男根入於女根，則必死矣。以是知其易捉。於是群臣皆服其聖智。送花三色者，蓋知新羅有三女王而然耶。謂善德、真德、真聖是也。唐帝以有懸解之明，善德之創靈廟寺，具載良志師傳詳之。別記云：是王代，鍊石築瞻星臺。

### 真德王。

第二十八、真德女王即位。自製大平歌。織錦爲紋。命使往唐獻之。本

命春秋公爲使。往仍請兵。太宗嘉之。許蘇廷方云云者。皆謬矣。現慶前。春秋已登位。現慶庚申。非太宗乃高宗之世。定方之來。在現慶庚申。故知織錦爲紋。非請兵時也。在真德之世。當矣。蓋請放欽純之時也。唐帝嘉賞之。改封爲雞林國王。其詞曰：大唐開洪業。巍巍皇

猷昌止戈戎威定。修文契百王。統天崇雨施。理物體含章。深仁諧日月。撫運邁虞唐。幡旗何赫赫。鉦鼓何鏗鏘。外夷違命者。剪覆被天殃。淳風凝幽現。遐邇競呈祥。四時和玉燭。七曜巡万方。維嶽降輔宰。維帝任忠良。五三成一德。昭我唐家皇。王之代有闕川公。林宗公。述宗公。虎林公。之慈藏之父廉長公。庾信公。會于南山。丐知巖。議國事。時有大虎走入座間。諸公驚起。而闕川公略不移動。談笑自若。捉虎尾撲於地而殺之。闕川公膂力如此。處於席首。然諸公皆服庾信之威。新羅有四靈地。將議大事。則大臣必會其地。謀之。則其事必成。一、東曰青松山。二曰南丐知山。三曰西皮田。四曰北金剛山。是王代始行正旦禮。始行侍郎號。

金庾信。

虎力伊干之子舒玄角。千金氏之長子曰庾信。弟曰欽純。姊妹曰寶姬。小名阿海。妹曰文姬。小名阿之。庾信公以眞平王十七年乙卯生。

稟精七曜。故背有七星文。又多神異。年至十八壬申。修劔得術。爲國仙。時有白石者。不知其所自來。屬於徒中有年。郎以伐麗齊之事。日夜深謀。白石知其謀。告於郎曰。僕請與公密先探於彼。然後圖之。何如。郎喜。親率白石夜出行。方憩於峴上。有二女隨郎而行。至骨火川留宿。又有一女忽然而至。公與三娘子喜話之時。娘等以美菓餽之。郎受而啖之。心諾相許。乃說其情。娘等告云。公之所言。已聞命矣。願公謝白石。而共入林中。更陳情實。乃與俱入。娘等便現神形曰。我等奈林穴禮骨火等三所護國之神。今敵國之人誘郎引之。郎不知而進途。我欲留郎而至此矣。言訖而隱。公聞之驚仆。再拜而出。宿於骨火館。謂白石曰。今歸他國。忘其要文。請與爾還家取來。遂與還至家。拷縛白石。而問其情。曰。我本高麗人。古本云百濟。誤矣。楸南乃高麗之士。又逆行陰陽亦是寶藏王事。我國群臣曰。新羅庚信。是我國卜筮之士。楸南也。古本作春。南。誤矣。國界有逆流之水。

或云雄雌丸反覆之事。

使其卜之。奏曰。大王夫人逆陰陽之道。其瑞如此。大王驚

恠。而王妃大怒。謂是妖狐之語。告於王。更以他事驗問之。失言則加重刑。乃以一鼠藏於合中。問是何物。其人奏曰。是必鼠。其命有八。乃以謂失言。將加斬罪。其人誓曰。吾死之後。願爲大將。必滅高麗矣。即斬之。剖鼠腹而視之。其命有七。於是知前言有中。其日夜大王夢。楸南入于新羅。舒玄公夫人之懷。以告於群臣。皆曰。楸南誓心而死。是其果然。故遺我至此謀之爾。公乃刑白石。備百味祀三神。皆現身受奠。金氏宗財買夫人死。葬於青淵上谷。因名財買谷。每年春月。一宗士女會宴於其谷之南澗。于時百卉敷榮。松花滿洞府。林谷口架築爲庵。因名松花房。傳爲願刹。至五十四景明王。追封公爲興虎大王。陵在西山毛只寺之北。東向走峰。

太宗春秋公。

第二十九。太宗大王。名春秋。姓金氏。龍樹一作龍春。角干追封文興大王之子也。妣眞平大王之女。天明夫人。妃。文明皇后文姬。即庚信公之

季妹也。初文姬之姊寶姬夢登西岳捨溺瀰滿京城。旦與妹說夢。文姬聞之謂曰。我買此夢。姊曰。與何物乎。曰。鬻錦裙可乎。姊曰。諾。妹開襟受之。姊曰。疇昔之夢傳付於汝。妹以錦裙酬之。後旬日。庾信與春秋公正月午忌日。見上射琴匪事。乃崔致遠之說。蹴鞠于庾信宅前。羅人謂蹴鞠爲弄珠之戲。故踏春秋之裙。裂其襟紐。曰。請入吾家縫之。公從之。庾信命阿海奉針。海曰。豈以細事輕近貴公子乎。因辭。古本云。因病不進。乃命阿之。公知庾信之意。遂幸之。自後數數來往。庾信知其有娠。乃噴之曰。爾不告父母而有娠何也。乃宣言於國中。欲焚其妹。一日侯善德王遊幸南山。積薪於庭中。焚火烟起。王望之問何烟。左右奏曰。殆庾信之焚妹也。王問其故。曰。爲其妹無夫有娠。王曰。是誰所爲。時公昵侍在前。顏色大變。王曰。是汝所爲也。速往救之。公受命馳馬。傳宣沮之。自後現行婚禮。真德王薨。以永徽五年甲寅即位。御國八年。龍朔元年辛酉崩。壽五十九歲。葬於哀公寺東。有碑。王與庾信神謀戮力。一統三韓。有大功於社



稷。故廟號太宗。太子法敏。角干仁問。角干文王。角干老旦。角干智鏡。角干愷元等。皆文姬之所出也。當時買夢之徵。現於此矣。庶子曰。皆知文綴干。車得令公。馬得阿干。并女五人。王膳一日飯米三斗。雄雉九首。自庚申年滅百濟後。除晝饜。但朝暮而已。然計一日米六斗。酒六斗。雉十首。城中市價。布一疋。租三十碩。或五十碩。民謂之聖代。在東宮時。欲征高麗。因請兵入唐。唐帝賞其風彩。謂爲神聖之人。固留侍衛。力請乃還。時百濟末王義慈。乃虎王之元子也。雄猛有膽氣。事親以孝。友于兄弟。時號海東曾子。以貞觀十五年辛丑即位。耽嬉酒色。政荒國危。佐平百濟爵名成忠。極諫不聽。囚於獄中。瘦困濱死。書曰。忠臣死不忘君。願一言而死。臣嘗觀時變。必有兵革之事。凡用兵。審擇其地。處上流而迎敵。可以保全。若異國兵來。陸路不使過炭峴。一云沈峴。百濟要害之地。水軍不使入伎伐浦。即長嶺。又孫梁。一作只火浦。又白江。據其險隘以禦之。然後可也。王不省。現慶四年己未。百濟烏會寺亦云烏合寺。有大赤馬。晝夜六時遶寺。

行道。二月。衆狐入義慈宮中。一白狐坐佐平書案上。四月。太子宮雌雞與小雀交婚。五月。泗泚扶餘江名岸大魚出死。長三丈。人食之者皆死。九月。宮中槐樹鳴如人哭。夜鬼哭宮南路上。五年庚申春二月。王都井水血色。西海邊小魚出死。百姓食之不盡。泗泚水血色。四月。蝦蟇數萬集於樹上。王都市人無故驚走。如有捕捉。驚仆死者百餘。亡失財物者無數。六月。王興寺僧皆見如舡楫隨大水入寺門。有大犬如野鹿。自西至泗泚岸。向王宮吠之。俄不知所之。城中群犬集於路上。或吠或哭。移時而散。有一鬼入宮中。大呼曰。百濟亡。百濟亡。即入地。王恠之。使人掘地。深三尺許。有一龜。其背有文。百濟圓月輪。新羅如新月。問之。巫者云。圓月輪者滿也。滿則虧。如新月者未滿也。未滿則漸盈。王怒殺之。或曰。圓月輪盛也。如新月者微也。意者國家盛而新羅寢微乎。王喜。太宗聞百濟國中多恠變。五年庚申。遣使仁問請兵。唐高宗詔左虎衛大將軍荆國公蘇定方爲神丘道行策摠管。率左

衛將軍劉伯英字仁遠左虎衛將軍馮士貴左驍衛將軍龐孝公等統十三萬兵來征。紅鄉記云軍十二萬二千七百一十一人。而唐史不詳言之。以新羅王春秋

爲嶠夷道行軍摠管將其國兵與之合勢定方引兵自城山濟海至國西德勿島羅王遣將軍金庾信領精兵五萬以赴之義慈王聞之會群臣問戰守之計佐平義直進曰唐兵遠涉溟海不習水羅人恃大國之援有輕敵之心若見唐人失利必疑懼而不敢銳進故知先與唐人決戰可也達率常永等曰不然唐兵遠來意欲速戰其鋒不可當也羅人屢見敗於我軍今望我兵勢不得不恐今日之計宜塞唐人之路以待師老先使偏師擊羅折其銳氣然後伺其便而合戰則可得全軍而保國矣王猶預不知所從時佐平與首得罪流竄于古馬旰知之縣遣人問之曰事急矣如何首曰大槩如佐平成忠之說大臣等不信曰與首在縲絏之中怨君而不愛國矣其言不可用也莫若使唐兵入白江。即伐沿流而不得方舟羅軍升炭峴由徑

而不得並馬。當此之時。縱兵擊之。如在籠之雞。罹網之魚也。王曰然。又聞唐羅兵已過白江。炭峴遣將軍偕伯帥死士五千出黃山。與羅兵戰。四合皆勝之。然兵寡力盡。竟敗。而偕伯死之。進軍合兵。薄津口。瀕江屯兵。忽有鳥。廻翔於定方營上。使人卜之。曰。必傷元帥。定方懼。欲引兵而止。庾信謂定方曰。豈可以飛鳥之恠違天時也。應天順人。伐至不仁。何不祥之有。乃拔神劔擬其鳥。割裂而墜於座前。於是定方出左涯。垂山而陣。與之戰。百濟軍大敗。王師乘潮。軸轡含尾。鼓譟而進。定方將步騎直趨都城。一舍止。城中悉軍拒之。又敗死者萬餘。唐人乘勝薄城。王知不免。嘆曰。悔不用成忠之言。以至於此。遂與太子隆。或作孝。誤也。走北鄙。定方圍其城。王次子泰自立爲王。率衆固守。太子之子文思謂王泰曰。王與太子出。而叔擅爲王。若唐兵解去。我等安得全。率左右。縋而出。民皆從之。泰不能止。定方令士超堞立唐旗幟。泰窘迫。乃開門請命。於是王及太子隆。王子泰。大臣貞福。與諸城皆

降。定方以王義慈及太子隆、王子泰、王子演及大臣將士八十八人、百姓一萬二千八百七人送京師。其國本有五部、卅七郡、二百城、七十六萬戶。至是析置熊津、馬韓、東明、金漣、德安等五都督府。擢渠長爲都督、刺史以理之。命耶將劉仁願守都城。又左衛郎將王文度爲熊津都督、撫其餘衆。定方以所俘見上。責而宥之。王病死。贈金紫光祿大夫、衛尉卿。許舊臣赴臨。詔葬孫皓。陳叔寶墓側。并爲豎碑。七年壬戌。命定方爲遼東道行軍大總管。俄攻平壤道。破高麗之衆於湏江。奪馬邑山爲營。遂圍平壤城。會大雪。解圍還。拜涼州安集大使。以定吐蕃。乾封二年卒。唐帝悼之。贈左驍騎大將軍、幽州都督。諡曰莊。

已上唐  
史文。

新羅別記云。文虎王即位五年乙丑。秋八月庚子。王親統大兵。

幸熊津城。會假王扶餘隆。作壇刑白馬而盟。先祀天神及山川之靈。然後歃血爲文而盟曰。往者百濟先王迷於逆順。不敦隣好。不睦親姻。結托句麗。交通倭國。共爲殘暴。侵削新羅。破邑屠城。略無寧歲。天

子憫一物之失所。憐百姓之被毒。頻命行人。諭其和好。負險恃遠。侮慢天經。皇赫斯怒。恭行弔伐。旌旗所指。一戎大定。固可瀦宮污宅。作誠來裔。塞源拔本。垂訓後昆。懷柔伐叛。先王之令典。興亡繼絕。往哲之通規。事必師古。傳諸曩冊。故立前百濟王司稼正卿扶餘隆爲熊津都督。守其祭祀。保其桑梓。依倚新羅。長爲與國。各除宿憾。結好和親。恭承詔命。永爲藩服。仍遣使人右威衛將軍魯城縣公劉仁願。親臨勸諭。具宣成旨。約之以婚姻。申之以盟誓。刑牲敵血。共敦終始。分災恤患。恩若兄弟。祇奉綸言。不敢墜失。旣盟之後。共保歲寒。若有乖背。二三其德。興兵動衆。侵犯邊陲。神明鑒之。百殃是降。子孫不育。社稷無宗。禋祀磨滅。罔有遺餘。故作金書鐵契。藏之宗廟。子孫萬代。無或敢犯。神之聽之。是享是福。敵訖埋弊。帛於壇之壬地。藏盟文於大廟。盟文乃帶方都督劉仁軌作。

按上唐史之文。定方以義慈王及太子隆等送京師。今云會扶餘王隆。則知唐帝宥隆而遣之。立爲熊津

都督也。故盟文  
明旨。以此爲驗。

又古記云。總章元戊辰

若總章戊辰則李勣之事。而壬戌來圍平壤之

也。時國人之所請唐兵屯于平壤郊。而通書曰。急輸軍資。王會群臣問曰。入於敵國。至唐兵屯所。其勢危矣。所請王師糧匱。而不輸其料。亦不宜也。如何。庾信奏曰。臣等能輸其軍資。請大王無慮。於是庾信。仁問等率數萬人。入句麗境。輸料二萬斛。乃還。王大喜。又欲興師會唐兵。庾信先遣然起。兵川等二人。問其會期。唐帥蘇定方紙畫鸞。犢二物。廻之。國人未解其意。使問於元曉法師。解之曰。速還其兵。謂畫犢畫鸞二切也。於是庾信廻軍。欲渡涇江。今日後渡者。斬之。軍士爭先半渡。句麗兵來掠。殺其未渡者。翌日信返。追句麗兵。捕殺數萬級。百濟古記云。扶餘城北角有大岩。下臨江水。相傳云。義慈王與諸後宮知其未免。相謂曰。寧自盡。不死於他人手。相率至此。投江而死。故俗云。墮死岩。斯乃俚諺之訛也。但宮人之墮死。義慈卒於唐。唐史有明文。又新羅古傳云。定方既討麗濟二國。又謀伐新羅。而留連。於是庾信知其謀。饗唐兵。鳩之。皆死。坑之。今尙州界有唐橋。是其坑地。唐按

史。不言其所以死。但書云卒。何耶。爲復諱之耶。鄉諺之無據耶。若壬戌年高麗之役。羅人殺定方之師。則後總章戊辰何有請兵滅高麗之事。以此知鄉傳無據。但戊辰滅麗之後。有不臣之事。擅有其地而已。非至殺蘇李二公也。

王師定百濟。既還之後。羅王命諸將追捕百濟殘賊。屯次于漢山城。高麗靺鞨二國兵來圍之。相擊未解。自五月十一日。至六月二十二日。我兵危甚。王聞之。議群臣曰。計將何出。猶豫未決。庾信馳奏曰。事急矣。人力不可及。唯神術可救。乃於星浮山。設壇修神術。忽有光耀如大蚕。從壇上而出。乃星飛于北去。

因此名星浮山。山名或有別說。云。山在都林之南。秀出一峯。是也。京城有一人謀求官。命其子作高炬。夜登此山舉之。其夜京師人望之。皆謂。惟星現於其地。王聞之。憂懼。募人讓之。其父將應之。日官奏曰。此非大惟也。但一家子死。父泣之。兆耳。遂不行讓法。

是夜其子下山。虎傷而死。漢山城中士卒怨救兵不至。相視哭泣而已。賊欲攻急。忽

有光耀。從南天際來。成霹靂。擊碎砲石三十餘所。賊軍弓箭矛戟。籌碎皆仆地。良久蘇。奔潰而歸。我軍乃還。太宗初即位。有獻猪一頭。二身八足者。議者曰。是必并吞六合瑞也。是王代始服中國衣冠牙笏。乃法師慈藏請唐帝而來傳也。神文王時。唐高宗遣使新羅曰。朕之聖考得賢臣魏徵。李淳風等。協心同德。一統天下。故爲太宗皇帝。汝



新羅海外小國。有太宗之號。以僭天子之名。義在不忠。速改其號。新羅王上表曰。新羅雖小國。得聖臣金庾信。一統三國。故封爲太宗。帝見表乃思。儲貳時。有天唱空云。三十三天之一人降於新羅爲庾信。紀在於書。出檢視之。驚懼不已。更遣使許無改太宗之號。

長春郎。

罷郎。一作

初與百濟兵戰於黃山之役。長春郎罷郎死於陣中。後討百濟時。見夢於太宗曰。臣等昔者爲國亡身。至於白骨。庶欲完護邦國。故隨從軍行無怠而已。然迫於唐帥定方之威。遂於人後爾。願王加我以小勢。大王驚恠之。爲二魂說經一日於牟山亭。又爲創壯義寺於漢山州。以資冥援。

三國遺事卷第二

文虎王法敏。

王初即位。龍朔辛酉。泗泚南海中有死女尸。身長七十三尺。足長六尺。陰長三尺。或云。身長十八尺。在封乾二年丁卯。

總章戊辰。王統兵。與仁間。欽純等至平壤。會唐兵滅麗。唐帥李勣獲

高臧王還國。王之姓高。故云高臧。按唐書高麗。現慶五年庚申。蘇定方等征百濟。後十二月大將軍契如何。爲涇道行軍大摠管。蘇

定方爲遼東道大摠管。劉伯英爲平壤道大摠管。以伐高麗。又明年

辛酉正月。蕭嗣業爲扶餘道摠管。任雅相爲涇江道摠管。率三十五

萬軍。以伐高麗。八月甲戌。蘇定方等及高麗戰于涇江。敗亡。乾封元

年丙寅六月。以麗同善。高臨。薛仁貴。李謹行等爲後援。九月。麗同善

及高麗戰。敗之。十二月己酉。以李勣爲遼東道行臺大摠管。率六

摠管兵。以伐高麗。總章元年戊辰九月癸巳。李勣獲高臧王。十二月

丁巳。獻俘于帝。上元元年甲戌二月。劉仁軌爲雞林道摠管。以伐新

羅而鄉古記云。唐遣陸路將軍孔恭。水路將軍有相興。新羅金庾信等滅之。而此云仁問。欽純等。無庾信。未詳。時唐之游兵。諸將兵。有留鎮而將謀襲我者。王覺之。發兵之明年。高宗使召仁問等。讓之曰。爾請我兵以滅麗。害之何耶。乃下圓扉。鍊兵五十萬。以薛邦爲帥。欲伐新羅。時義相師西學入唐。來見仁問。仁問以事諭之。相乃東還。上聞王甚憚之。會群臣問防禦策。角千金天尊奏曰。近有明朗法師。入龍宮。傳秘法而來。請詔問之。朗奏曰。狼山之南有神遊林。創四天王寺於其地。開設道場則可矣。時有貞州使走報曰。唐兵無數至我境。廻槩海上。王召明朗曰。事已逼至。如何。朗曰。以彩帛假搆宜矣。乃以彩帛營寺。草搆五方神像。以瑜珈明僧十二員。明朗爲上首。作文豆婁秘密之法。時唐羅兵未交接。風濤怒起。唐舡皆沒於水。後改剎寺。名四天王寺。至今不墜壇席。國史。大改剎在開露元年己卯。後年辛未。唐更遣趙憲爲師。亦以五萬兵來征。又作其法。舡沒如前。是時翰林郎朴文俊。隨仁問

在獄中。高宗召文俊曰。汝國有何密法。再發大兵無生還者。文俊奏曰。陪臣等來於上國一十餘年。不知本國之事。但遙聞一事爾。厚荷上國之恩。一統三國。欲報之德。新剏天王寺於狼山之南。祝皇壽萬年。長開法席而已。高宗聞之大悅。乃遣禮侍郎樂鵬龜使於羅。審其寺。王先聞唐使將至。不宜見茲寺。乃別剏新寺於其南待之。使至曰。必先行香於皇帝祝壽之所天王寺。乃引見新寺。其使立於門前曰。不是四天王寺。乃望德遙山之寺。終不入。國人以金一千兩贈之。其使乃還。奏曰。新羅剏天王寺。祝皇壽於新寺而已。因唐使之言。因名望德寺。或系孝昭王代。誤矣。王聞文俊善奏。帝有寬赦之意。乃命強首先生。作請放仁問表。以舍人遠禹奏於唐。帝見表流涕。赦仁問慰送之。仁問在獄時。國人爲剏寺。名仁容寺。開設觀音道場。及仁問來還。死於海上。改爲彌陀道場。至今猶存。大王御國二十一年。以永隆二年辛己崩。遺詔葬於東海中。大巖上。王平時常謂智義法師曰。朕身後願爲

護國大龍崇奉佛法。守護邦家。法師曰。龍爲畜報何。王曰。我厭世間榮華久矣。若蟲報爲畜。則雅合朕懷矣。王初即位。置南山長倉。長五十步。廣十五步。貯米穀兵器。是爲右倉。天恩寺西北山上。是爲左倉。別本云。建福八年辛亥。築南山城。周二千八百五十步。則乃眞德王代始築。而至此乃重修爾。又始築富山城。三年乃畢。安北河邊築鐵城。又欲築京師城郭。既令真吏。時義相法師聞之。致書報云。王之政教明。則雖草丘畫地而爲城。民不敢踰。可以澳災進福。政教苟不明。則雖有長城。災害未消。王於是正罷其役。麟德三年丙寅三月十日。有人家婢名吉伊。一乳生三子。總章三年庚午正月七。漢岐部一山級干一作成山阿干婢。一乳生四子。一女三子。國給穀二百石以賞之。又伐高麗。以其國王孫還國。置之眞骨位。王一日召庶弟車得公曰。汝爲冢宰。均理百官。平章四海。公曰。陛下若以小臣爲宰。則臣願潛行國內。示民間徭役之勞逸。租賦之輕重。官吏之清濁。然後

就職。王聽之。公著緇衣。把琵琶。爲居士形。出京師。經由阿瑟羅州。漢今

州。牛首州。今春北原京。今忠至於武珍州。今海巡行里閉。州吏安吉

見是異人。邀致其家。盡情供億。至夜安吉喚妻妾三人曰。今茲侍宿

客居士者。終身偕老。二妻曰。寧不並居。何以於人同宿。其一妻曰。公

若許終身並居。則承命矣。從之。詰旦居士欲辭行時曰。僕京師人也。

吾家在皇龍皇聖二寺之間。吾名端午也。俗爲端午主人若到京師。尋

訪吾家幸矣。遂行到京師。居冢宰國之制。每以外州之吏一人。上守

京中諸曹。注。今之其人也。安吉當次上守。至京師。問兩寺之間端午

居士之家。人莫知者。安吉久立道左。有一老翁經過。聞其言。良久佇

思曰。二寺間一家。殆大內也。端午者。乃車得令公也。潛行外郡時。殆

汝有緣契乎。安吉陳其實。老人曰。汝去宮城之西歸正門。待宮女出

入者。告之。安吉從之。告武珍州。安吉進於門矣。公聞而走出。携手入

宮。喚出公之妃。與安吉共宴。具饌至五十味。聞於上。以星浮山。一作星

下爲武珍州上守繞木田。禁人樵採。人不敢近。內外欽羨之。山下有田三十畝。下種三石。此田稔歲。武珍州亦稔。否則亦否云。

万波息笛

第三十一、神文大王。諱政明。金氏。開耀元年辛巳七月七日即位。爲

聖考文武大王。創感恩寺於東海邊。寺中記云。文武王欲鎮倭兵。故始創此寺。未

金堂砌下。東向開一穴。乃龍之入寺旋繞之儒。蓋遺詔之。畢而崩。爲海龍。其子神文立。開耀二年畢。排明年壬午五月朔。一本云天授

海官波珍。喰朴夙清。奏曰。東海中有小山。浮來向感恩寺。隨波往來。

王異之。命日官金春質一作春日占之。曰。聖考今爲海龍。鎮護三韓。抑又

金公庾信。乃三十三天之一子。今降爲大臣。二聖同德。欲出守城之

寶。若陛下幸海邊。必得無價大寶。王喜。以其月七日。駕幸利見臺。

望其山。遣使審之。山勢如龜頭。上有一竿竹。晝爲二。夜合一。一云。山亦

竹如使來奏之。王御感恩寺宿。明日午時。竹合爲一。天地振動。風雨晦

暗七日。至其月十六日。風霽波平。王泛海入其山。有龍奉黑玉帶來

獻迎接共坐。問曰。此山與竹。或判或合。如何。龍曰。比如一手拍之無聲。二手拍則有聲。此竹之爲物。合之然後有聲。聖王以聲理天下之瑞也。王取此竹作笛吹之。天下和平。今王考爲海中大龍。庚信復爲天神。二聖同心。出此無價大寶。令我獻之。王驚喜。以五色錦彩金玉酬賽之。勅使斫竹出海時。山與龍忽隱不現。王宿感恩寺。十七日。到祇林寺西溪邊。留駕晝膳。太子理恭。即孝昭大王。守闕。聞此事走馬來賀。徐察奏曰。此玉帶諸窠皆真龍也。王曰。汝何知之。太子曰。摘一窠沈水示之。乃摘左邊第二窠沈溪。即成龍上天。其地成淵。因號龍淵。駕還。以其竹作笛。藏於月城天尊庫。吹此笛。則兵退病愈。旱雨。雨晴。風定。波平。號萬波息笛。稱爲國寶。至孝昭大王代。天授四年癸巳。因失禮。郎生還之異。更封號曰萬萬波波息笛。詳見彼傳。

孝昭王代。

竹旨郎。

亦作竹曼。亦名智官。

第三十二。孝昭王代。竹曼郎之徒。有得鳥

谷一云。

級干。隸名於風流黃



卷。追日仕進。隔旬日不見。耶喚其母。問爾子何在。母曰。幢典牟梁益宣阿干。以我子差富山城倉。直馳去。行急未暇。告辭於耶。耶曰。汝子若私事適彼。則不須尋訪。今以公事進去。須歸享矣。乃以舌餅一合。酒一缸。卒左人鄭云皆叱知。言奴僕也。而行。耶徒百三十七人。亦具儀侍從。到富山城。問闍人。得烏失奚。在人曰。今在益宣田。隨例赴役。耶歸田。以所將酒餅饗之。請暇於益宣。將欲借還。益宣固禁不許。時有使吏倂珍。管收推火郡。能節租三十石。輸送城中。美耶之重士風味。鄙宣暗塞不通。乃以所領三十石。贈益宣助請。猶不許。又以珍節舍知騎馬鞍具。賂之。乃許。朝廷花主聞之。遣使取益宣。將洗浴其垢醜。宣逃隱。掠其長子而去。時仲冬極寒之日。浴洗於城內池中。仍合凍死。大王聞之。勅牟梁里人從官者。並合黜遣。更不接公署。不著黑衣。若爲僧者。不合入鐘鼓寺中。勅史上倂珍子孫。爲枰定戶孫。標異之。時園測法師。是海東高德。以牟梁里人故。不授僧職。初述宗公爲朔州都督使。

將歸理所。時三韓兵亂。以騎兵三千護送之。行至竹旨嶺。有一居士。平理其嶺路。公見之。歎美。居士亦善公之威勢。赫甚。相感於心。公赴州理。隔一朔。夢見居士入于房中。室家同夢。驚恠尤甚。翌日使人問其居士安否。人曰。居士死有日矣。使來還告。其死與夢同日矣。公曰。殆居士誕於吾家爾。更發卒修葬於嶺上北峯。造石彌勒一軀。安於塚前。妻氏自夢之日有娠。既誕。因名竹旨。壯而出仕。與庾信公爲副帥。統三韓。真德。太宗。文武。神文。四代爲冢宰。安定厥邦。初得烏谷慕郎而作歌曰。

去隱春皆理米 毛冬居叱沙哭屋尸以憂音 阿冬音乃叱好支  
賜烏隱 兒史年數就音墮支行齊 目煙廻於尸七史伊衣 逢  
烏支惡知作乎下是 郎也慕理尸心未 行乎尸道尸 蓬次叱  
巷中宿尸夜音有叱下是。

聖德王。

第三十三、聖德王。神龍二年丙午歲。禾不登。人民飢甚。丁未正月初

一日至七月三十日。救民給租。一口一日三升爲式。終事而計三十萬五百碩也。王爲太宗大王勸奉德寺。設仁王道場。七日大赦。始有侍中職。一本系孝成王。

水路夫人。

聖德王代。純貞公赴江陵大守。州今漢行次海汀。晝饜。傍有石嶂。如屏臨海。高千丈。上有躑躅花盛開。公之夫人水路見之。謂左右曰。折花獻者其誰。從者曰。非人跡所到。皆辭不能。傍有老翁牽犢牛而過者。聞夫人言。折其花。亦作歌詞獻之。其翁不知何許人也。便行二日程。又有臨海亭。晝饜。次海龍忽攬夫人入海。公顛倒躡地。計無所出。又有一老人。告曰。故人有言。衆口鑠金。今海中傍生。何不畏衆口乎。宜進界內民。作歌唱之。以杖打岸。□可見夫人矣。公從之。龍奉夫人出海獻之。公問夫人海中事。曰。七寶宮殿。所饜甘滑香潔。非人間煙火。此夫人衣襲異香。非世所聞。水路姿容絕代。每經過深山大澤。屢被

神物掠攬。衆人唱海歌詞曰。龜乎龜乎。出水路。掠人婦女。罪何極。汝若悞逆。不出獻。入網捕掠。燔之。喫。老人獻花歌曰。紫布岩乎。過希執音乎。手母牛放教遣。吾勝不喻。慚勝伊賜等。花勝折叱。可獻乎。理音如。

孝成王。

開元十年壬戌十月。始築關門於毛火郡。今毛火村。屬慶州東南境。乃防日本塞垣也。周廻六千七百九十二步五尺。役徒三萬九千二百六十二人。掌員元真角干。開元二十一年癸酉。唐人欲征北狄。請兵新羅。客使六百四人來還國。

景德王。

忠談師。

表訓大德。

德經等。大王備禮受之。王御國二十四年。五岳三山神等。時或現侍於殿庭。三月三日。王御歸正門樓上。謂左右曰。誰能途中得一員。榮服僧來。於是適有一大德。威儀鮮潔。徜徉而行。左右望而引見之。王

曰。非吾所謂榮僧也。退之。更有一僧。被衲衣。負櫻筒。一作荷箕。從南而來。王喜見之。邀致樓上。視其筒中。盛茶具已。曰。汝爲誰耶。僧曰。忠談。曰。何所歸來。僧曰。僧每重三重九之日。烹茶饗南山三花嶺彌勒世尊。今茲旣獻而還矣。王曰。寡人亦一甌茶有分乎。僧乃煎茶獻之。茶之氣味異常。甌中異香郁烈。王曰。朕嘗聞師讚耆婆郎詞腦歌。其意甚高。是其果乎。對曰。然。王曰。然則爲朕作理安民歌。僧應時奉勅歌呈之。王佳之。封王師焉。僧再拜固辭不受。安民歌曰。君隱父也。臣隱愛賜尸母史也。民焉狂尸恨阿孩古爲賜尸知民是愛尸知古如。窟理叱大勝生以支所音物生此勝喰惡支治良羅。此地勝捨遣只於冬是去於丁。爲尸知國惡支持以。支知古如後句。君如臣多支民隱如。爲內尸等焉國惡大平恨音叱如。

讚耆婆郎歌曰

咽鳴爾處米 露曉邪隱月羅理 白雲音逐于浮去隱安支下

沙是八陵隱汀理也中。耆耶矣。兒史是史藪邪。逸烏川理叱磧。惡希。耶也。持以支如賜烏隱。心未際叱。勝逐內良齊。阿耶。栢史叱枝次高支好。雪是毛冬乃乎尸花判也。

王玉莖長八寸。無子。廢之。封沙梁夫人。後妃滿月夫人。諡景垂太后。依忠角干之女也。王一日詔表訓大德曰。朕無祐不獲其嗣。願大德請於上帝而有之。訓上告於天帝。還來奏云。帝有言。求女即可。男即不宜。王曰。願轉女成男。訓再上天請之。帝曰。可則可矣。然爲男則國殆矣。訓欲下時。帝又召曰。天與人不可亂。今師往來如隣里。漏洩天機。今後宜更不通。訓來以天語諭之。王曰。國雖殆。得男而爲嗣足矣。於是滿月王后生太子。王喜甚。至八歲。王崩。太子即位。是爲惠恭大王。幼冲故。太后臨朝。政條不理。盜賊蜂起。不遑備禦。訓師之說驗矣。小帝旣女爲男。故自期。至於登位。常爲婦女之戲。好佩錦囊。與道流爲戲。故國有大亂。終爲宣德與金良相所弑。自表訓後。聖人。不生。

於新羅云。

惠恭王。

大曆之初。康州官署大堂之東。地漸陷成池。

一本大寺東小池。

從十三尺。橫七

尺。忽有鯉魚五六。相繼而漸大。淵亦隨大。至二年丁未。又天狗墜於

東樓南。頭如瓮。尾三尺許。色如烈火。天地亦振。又是年。今浦縣稻田

五頃中。皆米顆成穗。是年七月。北宮庭中。先有二星墜地。又一星墜。

三星皆沒入地。先時宮北。廁園中。二莖蓮生。又奉聖寺田中。生蓮。虎

入禁城中。追覓失之。角干大恭家梨木上。雀集無數。據安國兵法下

卷云。天下兵大亂。於是大赦修省。七月三日。大恭角干賊起。王都及

五道州郡。并九十六角干相戰。大亂。大恭角干家亡。輸其家資寶帛

于王宮。新城長倉火燒。逆黨之寶穀。在沙梁。牟梁等里中者。亦輸入

王宮。亂彌三朔。乃息。被賞者頗多。誅死者無算也。表訓之言。國殆是

也。

元聖大王。

伊殮金周元初爲上宰。王爲角干。居二宰。夢脫幘頭著素笠。把十二絃琴。入於天官寺井中。覺而使人占之。曰。脫幘頭者。失職之兆。把琴者。著枷之兆。入井。入獄之兆。王聞之甚患。杜門不出。于時阿殮餘三。或本餘山來通謁。王辭以疾不出。再通曰。願得一見。王諾之。阿殮曰。公所忌何事。王具說占夢之由。阿殮興拜曰。此乃吉祥之夢。公若登大位而不遺我。則爲公解之。王乃辟禁左右。而請解之。曰。脫幘頭者。人無居上也。著素笠者。冕旒之兆也。把十二絃琴者。十二孫傳世之兆也。入天官井。入宮禁之瑞也。王曰。上有周元。何居上位。阿殮曰。請密祀北川神可矣。從之。未幾。宣德王崩。國人欲奉周元爲王。將迎入宮。家在川北。忽川漲不得渡。王先入宮即位。上宰之徒衆皆來附之。拜賀新登之主。是爲元聖大王。諱敬信。金武。蓋厚夢之應也。周元退居溟州。王旣登極。時餘山已卒矣。召其子孫賜爵。王之孫有五人。惠



忠太子、憲平太子、禮英、匣干、大龍夫人、小龍夫人等也。大王誠知窮達之變。故有身空詞腦歌。歌亡未詳。王之考大角干孝讓傳祖宗万波息

笛。乃傳於王。王得之。故厚荷天恩。其德遠輝。貞元二年丙寅十月十

一日。日本王文慶。

按日本帝紀第五十五主王文德王是也。餘無文慶。或本云是王太子。

舉兵欲伐新羅。聞新羅

有万波息笛。退兵。以金五十兩。遣使請其笛。王謂使曰。朕聞上世真

平王代有之耳。今不知所在。明年七月七日。更遣使。以金一千兩請

之。曰。寡人願得見神物而還之矣。王亦辭以前對。以銀三千兩賜其

使。還金而不受。八月。使還。藏其笛於內黃殿。王即位十一年乙亥。唐

使來京。留一朔而還。後一日。有二女。進內庭。奏曰。妾等乃東池青池

青池即東泉寺之泉也。寺記云。泉乃東海龍往來聽法之地。寺乃眞平王所造。五百聖衆。五層塔。并納田民口。二龍之妻也。唐使將河西國

二人而來。呪我夫二龍及芬皇寺井等三龍。變爲小魚。筒貯而歸。願

陛下勅二人留。我夫等護國龍也。王追至河陽館。親賜享宴。勅河西

人曰。爾輩何得取我三龍至此。若不以實告。必加極刑。於是出三魚

獻之。使放於三處。各湧水丈餘。喜躍而逝。唐人服王之明聖。王一日請皇龍寺注。或本云。華嚴寺。又金剛寺香。蓋以寺名經名。光混之也。釋智海入內。稱華嚴經五旬。沙彌妙正。每洗鉢於金光井。因大賢法師得名邊。有一龜浮沈井中。沙彌每以殘食餽而爲戲。席將罷。沙彌謂龜曰。吾德汝日久。何以報之。隔數日。龜吐一小珠。如欲贈遺。沙彌得其珠。繫於帶端。自後大王見沙彌愛重。邀致內殿。不離左右。時有一匣干。奉使於唐。亦愛沙彌。請與俱行。王許之。同入於唐。唐帝亦見沙彌而寵愛。承相左右。莫不尊信。有一相士奏曰。審此沙彌。無一吉相。得人信敬。必有所持異物。使人檢看。得帶端小珠。帝曰。朕有如意珠四枚。前年失一個。今見此珠。乃吾所失也。帝問沙彌。沙彌具陳其事。帝內失珠之日。與沙彌得珠同日。帝留其珠而遣之。後人無愛信此沙彌者。王之陵在吐含岳西洞鵠寺。今崇禎寺。有崔致遠撰碑。又剋報恩寺。又望德樓。追封祖訓入匣干爲興平大王。曾祖義官匣干爲神英大王。

高祖法宣大阿干爲玄聖大王。[玄聖大王] 玄聖之考即摩叱次匝干。

早雪。

第四十、哀莊王。末年戊子八月十五日。有雪。

第四十一、憲德王。元和十三年戊戌三月十四日。大雪。一本作丙寅。誤矣。元和盡十五。無丙寅。

第四十六、文聖王。己未五月十九日。大雪。八月一日。天地晦暗。

興德王。 鸚鵡。

第四十二、興德大王。寶曆二年丙午即位。未幾有人奉使於唐。將鸚鵡一雙而至。不久雌死。而孤雄哀鳴不已。王使人掛鏡於前。鳥見鏡中影。擬其得偶。乃啗其鏡而知其影。乃哀鳴而死。王作歌云。未詳。

神武大王。 閻長。 弓巴。

第四十五、神武大王潛邸時。謂俠士弓巴曰。我有不同天之讎。汝能爲我除之。獲居大位。則娶爾女爲妃。弓巴許之。協心同力。舉兵犯京師。能成其事。既篡位。欲以巴之女爲妃。羣臣極諫曰。巴側微。上以其

女爲妃。則不可。王從之。時巴在清海鎮爲軍戍。怨王之違言。欲謀亂。時將軍閻長聞之。奏曰。巴將爲不忠。小臣請除之。王喜許之。閻長承旨歸清海鎮。見謁者通曰。僕有小怨於國君。欲投明公以全身命。巴聞之大怒曰。爾輩諫於王而廢我女。胡顧見我乎。長復通曰。是百官之所諫。我不預謀。明公無嫌也。巴聞之。引入廳事。謂曰。卿以何事來此。長曰。有忤於王。欲投幕下。以免害爾。巴曰。幸矣。置酒歡甚。長取巴之長劍。斬之。麾下軍士驚懾。皆伏地。長引至京師。復命曰。已斬弓巴矣。上喜賞之。賜爵阿干。

四十八、景文大王。

王諱膺廉。年十八爲國仙。至於弱冠。憲安大王召郎。宴於殿中。問曰。郎爲國仙。優遊四方。見何異事。郎曰。臣見有美行者三。王曰。請聞其說。郎曰。有人爲人上者。而撝謙坐於人下。其一也。有人豪富。而衣儉易。其二也。有人本貴勢。而不用其威者。三也。王聞其言。而知其賢。

不覺墮淚而謂曰。朕有二女。請以奉巾櫛。郎避席而拜之。稽首而退。告於父母。父母驚喜。會其子弟。議曰。王之上公主。貌甚寒寢。第二公主甚美。娶之幸矣。郎之徒上首範。教師者聞之。至於家。問郎曰。大王欲以公主妻公。信乎。郎曰。然。曰。奚娶。郎曰。二親命我宜弟。師曰。郎若娶弟。則予必死於郎之前。娶其兄。則必有三美。誠之哉。郎曰。聞命矣。既而王擇辰而使於郎曰。二女惟公所命。使歸。以郎意奏曰。奉長公主爾。既而過三朔。王疾革。召群臣曰。朕無男孫。窀穸之事。宜長女之夫。膺廉繼之。翌日王崩。郎奉遺詔即位。於是範教師詣於王曰。吾所陳三美者。今皆著矣。娶長故。今登位。一也。昔之欽艷第主。今易可取。二也。娶兄故。王與夫人喜甚。三也。王德其言。爵爲大德。賜金一百三十兩。王崩。諡曰景文。王之寢殿。每日暮。無數衆虵俱集。宮人驚怖。將驅遣之。王曰。寡人若無虵。不得安寢。宜無禁。每寢吐舌滿。胷鋪之。乃登位。王耳忽長如驢耳。王后及宮人皆未知。唯幞頭匠一人知之。

然生平不向人說。其人將死。入道林寺竹林中。無人處向竹唱云。吾君耳如驢耳。其後風吹。則竹聲云。吾君耳如驢耳。王惡之。乃伐竹而植山茱萸。風吹則但聲云。吾君耳長。道林寺舊在入都林邊國仙邀元郎。譽昕郎。桂元。叔宗郎等。遊覽金蘭。暗有爲君主理邦國之意。乃作歌三首。使心弼舍知。授針卷。送大炬和尚處。令作三歌。初名立琴抱曲。第二大道曲。第三問羣曲。入奏於王。王大喜稱賞。歌未詳。

處容郎。望海寺。

第四十九。憲康大王之代。自京師至於海內。比屋連牆無一草屋。笙歌不絕道路。風雨調於四時。於是大王遊開雲浦。在鶴城西。南。今蔚州。王將還。駕晝歇於汀邊。忽雲霧冥曠。迷失道路。恠問左右。日官奏云。此東海龍所變也。宜行勝事以解之。於是勅有司爲龍剋佛寺近境。施令已出。雲開霧散。因名開雲浦。東海龍喜。乃率七子。現於駕前。讚德獻舞奏樂。其一子隨駕入京。輔佐王政。名曰處容。王以美女妻之。欲留其

意。又賜級干職。其妻甚美。疫神欽慕之。變無人夜至其家。竊與之宿。處容自外至其家。見寢有二人。乃唱歌作舞而退。歌曰。東京明期月。良夜入伊遊行。如可入良沙寢矣。見昆脚烏伊。四是良羅二盼隱。吾下於叱古二盼隱。誰支下焉。古本矣。吾下是如馬於隱奪叱良乙。何如爲理古。時神現形。跪於前曰。吾羨公之妻。今犯之矣。公不見怒。感而美之。誓今已後。見畫公之形容。不入其門矣。因此。國人門帖處容之形。以僻邪進慶。王旣還。乃卜靈鷲山東麓勝地置寺。曰望海寺。亦名新房寺。乃爲龍而置也。又幸鮑石亭。南山神現舞於御前。左右不見。王獨見之。有人現舞於前。王自作舞。以像示之。神之名或曰祥審。故至今國人傳此舞。曰御舞祥審。或曰御舞山神。或云旣神出舞。審象其貌。命工摹刻。以示後代。故云象審。或云霜髯舞。此乃以其形稱之。又幸於金剛嶺時。北岳神呈舞。名玉刀鈴。又同禮殿宴時。地神出舞。名地伯級干。語法集云。于時山神獻舞。唱歌云。智理多都波都波。

等者。蓋言以智理國者。知而多逃。都邑將破。云謂也。乃地神山神知國將亡。故作舞以警之。國人不悟。謂爲現瑞。耽樂滋甚。故國終亡。

眞聖女大王。居陁知。

第五十一。眞聖女王。臨朝有年。乳母鳧好夫人。與其夫魏弘匝干等。三四寵臣。擅權撓政。盜賊蜂起。國人患之。乃作陁羅尼隱語書。投路上。王與權臣等得之。謂曰。此非王居仁。誰作此文。乃囚居仁於獄。居仁作詩訴于天。天乃震其獄囚。以免之。詩曰。燕丹泣血虹穿日。鄒衍含悲夏落霜。今我失途還似舊。皇天何事不垂祥。陁羅尼曰。南無亡國。刹尼那帝。判尼判尼蘇判尼于于三阿干。鳧伊娑婆訶。說者云。刹尼那帝者。言女主也。判尼判尼蘇判尼者。言二蘇判也。蘇判爵名。于于三阿十也。鳧伊者。言鳧好也。此王代阿殮良貝王之季子也。奉使於唐。聞百濟海賊梗於津鳧。選弓士五十人隨之。舡次鷓島。鄉云骨大島。風濤大作。信宿挾旬。公患之。使人卜之。曰。島有神池。祭



之可矣。於是具奠於池上。池水湧高丈餘。夜夢有老人。謂公曰。善射一人留此島中。可得便風。公覺而以事諮於左右曰。留誰可矣。衆人曰。宜以木簡五十片書我輩名。沈水而鬪之。公從之。軍士有居陁知者。名沈水中。乃留其人。便風忽起。舡進無滯。居陁愁立島嶼。忽有老人。從池而出。謂曰。我是西海若。每一沙彌日出之時。從天而降。誦陁羅尼。三繞此池。我之夫婦子孫皆浮水上。沙彌取吾子孫肝腸。食之盡矣。唯存吾夫婦與一女爾。來朝又必來。請君射之。居陁曰。弓矢之事吾所長也。聞命矣。老人謝之而沒。居陁隱伏而待。明日扶桑既暾。沙彌果來。誦呪如前。欲取老龍肝。時居陁射之。中沙彌。即變老狐。墜地而斃。於是老人出而謝曰。受公之賜。全我性命。請以女子妻之。居陁曰。見賜不遺。固所願也。老人以其女。變作一枝花。納之懷中。仍命二龍。捧居陁。趨及使舡。仍護其舡。入於唐境。唐人見新羅舡有二龍負之。具事上聞。帝曰。新羅之使必非常人。賜宴坐於羣臣之上。厚以

金帛遺之。既還國。居隋出花枝。變女同居焉。

孝恭王。

第五十二、孝恭王。光化十五年壬申。實朱梁乾化二年也。奉聖寺外門。東西二十

一間。鵲巢。又神德王即位四年乙亥。古本云。天祐十二年。當作貞明元年。靈廟寺內行廊。鵲

巢三十四。鳥巢四十。又三月。再降霜。六月。斬浦水與海水波相鬪三日。

景明王。

第五十四、景明王代。貞明五年戊寅。四天王寺壁畫狗鳴。說經三日。攘之。犬半日又鳴。七年庚辰二月。皇龍寺塔影倒立於今毛舍知家庭中。一朔。又十月。四天王寺五方神弓絃皆絕。壁畫狗出走庭中。還入壁中。

景哀王。

第五十五、景哀王即位。同光二年甲辰二月十九日。皇龍寺說百座

說經兼飯禪僧三百。大王親行香致供。此百座通說禪教之始。

金傅大王

第五十六、金傅大王。諡敬順。天成二年丁亥九月。百濟甄萱侵羅至高鬱府。景哀王請救於我太祖。命將以勁兵一萬往救之。救兵未至。萱以冬十一月掩入王京。王與妃嬪宗戚遊鮑石亭宴娛。不覺兵至。倉卒不知所爲。王與妃奔入後宮。宗戚及公卿大夫士女四散奔走。爲賊所虜。無貴賤匍匐乞爲奴婢。萱縱兵擄掠公私財物。入處王宮。乃命左右索王。王與妃妾數人匿在後宮。拘致軍中。逼令王自進。而強淫王妃。縱其下。亂其嬪妾。乃立王之族弟傅爲王。王爲萱所舉即位。前王尸殞於西堂。與羣下慟哭。太祖遣使弔祭。明年戊子春三月。太祖率五十餘騎。巡到京畿。王與百官郊迎。入相對。曲盡情禮。置宴臨海殿。酒酣。王言曰。吾以不天。侵致禍亂。甄萱恣行不義。喪我國家。何如之。因泣然涕泣。左右莫不嗚咽。太祖亦流涕。因留數旬。乃廻駕。

麾下肅靜。不犯秋毫。都人士女相慶曰。昔甄氏之來也。如逢豺虎。今王公之至。如見父母。八月。太祖遣使。遺王錦衫鞍馬。并賜羣僚將士有差。清泰二年乙未十月。以四方土地盡爲他有。國弱勢孤。不已自安。乃與羣下謀。舉土降太祖。羣臣可否。紛然不已。王太子曰。國之存亡。必有天命。當與忠臣義士。收合心力。盡而後已。豈可以一千年之社稷。輕以與人。王曰。孤危若此。勢不能全。旣不能強。又不能弱。至使無辜之民。肝腦塗地。吾所不能忍也。乃使侍郎金封休齋書。請降於太祖。太子哭泣辭王。徑往皆骨山。麻衣草食。以終其身。季子祝髮肄華嚴。爲浮圖。名梵空。後住法水海印寺云。太祖受書。送太相王鐵迎之。王率百僚歸于我太祖。香車寶馬。連亘三十餘里。道路填咽。觀者如堵。太祖出郊迎勞。賜宮東一區。今正承院以長女樂浪公主妻之。以王謝自國居他國。故以鸞喻之。改號神鸞公主。諡孝穆。封爲正承。位在太子之上。給祿一千石。侍從員將皆錄用之。改新羅爲慶州。以爲公

之食邑。初王納土來降。太祖喜甚。待之厚禮。使告曰。今王以國與寡人。其爲賜大矣。願結婚於宗室。以永甥舅之好。王答曰。我伯父億廉

王之考。孝宗角干。追封神興大王之弟也。

有女子。德容雙美。非是無以備內政。太祖娶之。是爲

神成王后金氏。

本朝登仕郎金寬毅所撰王代宗錄云。神成王后李氏。本慶州大尉李正月二十五日立忌。非貞陵。生一子。安宗也。此外二十五妃主中不載。金氏之事未詳。然而史臣之論。亦以安宗爲新羅外孫。當以史傳爲是。太祖之孫景宗

仲。聘政承公之女爲妃。是爲憲承皇后。仍封政承爲尙父。大平興國三年戊寅崩。諡曰敬順。册尙父誥曰。勅。姬周啓聖之初。先封呂主。劉漢興王之始。首開簫何。自大定寰區。廣開基業。立龍圖三十代。躡麟趾四百年。日月重明。乾坤交泰。雖自無爲之主。亦開致理之臣。觀光順化。衛國功臣。上柱國樂浪王政承。食邑八千戶。金傅。世雞林。官分王爵。英烈振凌雲之氣。文章騰擲地之才。富有春秋。貴居茅土。六韜三略。恂入胷襟。七縱五申。撮馭指掌。我太祖須載接陸擲之好。早認餘風。尋時頒駙馬之姻。內酬大節。家國旣歸於一統。君臣宛合於三

韓顯播令名。光崇懿範。可加號尙父都省令。仍賜推忠慎義崇德守節功臣號。勳封如故。食邑通前爲一萬戶。有司擇日備禮册命。主者施行。開寶八年十月日。大匡內議令兼揔翰林臣翮宣奉行。奉勅如右。牒到奉行。開寶八年十月日。侍中署。侍中署。內奉令。署。軍部令。署。軍部令。無署。兵部令。無署。兵部令。署。廣坪侍郎。署。廣坪侍郎。無署。內奉侍郎。無署。內奉侍郎。署。軍部卿。無署。軍部卿。署。兵部卿。無署。兵部卿。署。告推忠慎義崇德守節功臣。尙父都省令。上柱國樂浪都王。食邑一萬戶。金傅。奉勅如右。符到奉行。主事。無名。郎中。無名。書令。史。無名。孔目。無名。開寶八年十月日。下。

史論曰。新羅朴氏。昔氏。皆自卵生。金氏從天入金櫝而降。或云乘金車。此尤詭恠不可信。然世俗相傳爲實事。今但厚厥初。在上者。其爲己也。儉。其爲人也。寬。其設官也。略。其行事也。簡。以至誠事中國。梯航朝聘之使。相續不絕。常遣子弟。造朝宿衛。入學而誦習。于以襲聖賢

之風化。革鴻荒之俗。爲禮義之邦。又憑王師之威靈。平百濟高句麗。取其地郡縣。可謂盛矣。然而奉浮屠之法。不知其弊。至使閭里比其塔廟。齊民逃於緇褐。兵農侵小。而國家日衰。幾何其不亂且亡也哉。於是時。景哀王加之以荒樂。與宮人左右出遊鮑石亭。置酒燕衛。不知甄萱之至。與夫門外韓擒虎樓頭張麗華。無以異矣。若敬順之歸命太祖。雖非獲已。亦可佳矣。向若力戰守死。以抗王師。至於力屈勢窮。則必覆其家族。害及于無辜之民。而乃不待告命。封府庫。籍群難以歸之。其有功於朝廷。有德於生民。甚大。昔錢氏以吳越入宋。蘇子瞻謂之忠臣。今新羅功德過於彼遠矣。我太祖妃嬪衆多。其子孫亦繁衍。而顯宗自新羅外孫。即寶位。此後繼統者皆其子孫。豈非陰德也歟。新羅既納土國除。阿干神會。罷外署還。見都城離潰。有黍離離嘆。乃作歌。歌亡未詳。

南扶餘。

前百濟。

北扶餘。已見上。

扶餘郡者。前百濟王都也。或稱所夫里郡。按三國史記。百濟聖王二十六年戊午春。移都於泗泚。國號南扶餘。注曰。其地名所夫里。泗泚。今之古省津也。所夫里者。扶餘之別號也。已上注。又按。量田帳籍曰。所夫里郡。田丁。柱貼。今言扶餘郡者。復上古之名也。百濟王姓扶氏。故稱之。或稱餘州者。郡西資福寺高座之上。有繡帳焉。其繡文曰。統和十五年丁酉五月日餘州功德大寺繡帳。又昔者河南置林州刺史。其時圖籍之內。有餘州二字。林州。今佳林郡也。餘州。今之扶餘郡也。百濟地理志曰。後漢書曰。三韓凡七十八國。百濟是其一國焉。北史云。百濟東極新羅。西南限大海。北際漢江。其郡曰居扶城。又云。固麻城。其外更有五方城。通典云。百濟南接新羅。北距高麗。西限大海。舊唐書云。百濟扶餘之別種。東北新羅。西渡海越州。南渡海至倭。北高麗。其王所居。有東西兩城。新唐書云。百濟西界越州。南倭皆踰海。北高麗。史本記云。百濟始祖溫祚。其父維牟王。或云朱蒙。



自北扶餘逃難。至卒本扶餘。州之王無子。只有三女。見朱蒙知非常人。以第二女妻之。未幾。扶餘州王薨。朱蒙嗣位。生二子。長曰沸流。次曰溫祚。恐後太子所不容。遂與烏干、馬黎等臣南行。百姓從之者多。遂至漢山。登負兒岳。望可居之地。沸流欲居於海濱。十臣諫曰。惟此河南之地。北帶漢水。東據高岳。南望沃澤。西阻大海。其天險地利。難得之勢。作都於斯。不亦宜乎。沸流不聽。分其民。歸彌離忽居之。溫祚都河南慰禮城。以十臣爲輔翼。國號十濟。是漢成帝鴻佳三年也。沸流以彌離忽土濕水鹹。不得安居。畝見慰禮都邑鼎定。人民安泰。遂慙悔而死。其臣民皆畝於慰禮城。後以來時百姓樂悅。改號百濟。其世系與高句麗同出扶餘。故以解爲氏。後至聖王。移都於泗泚。今扶餘郡。彌離忽。仁州。慰禮。今穩山。按古典記云。東明王第三子溫祚。以前漢鴻佳三年癸酉。自卒本扶餘。至慰禮城。立都稱王。十四年丙辰。移都漢山。今廣州。歷三百八十九年。至十三世近肖古王。咸安元年。取高句麗南平壤。

移都北漢城。州今楊歷一百五年。至二十二世文周王即位。元徽三年乙卯。移都熊川。州今公歷六十三年。至二十六年世聖王。移都所夫里。國號南扶餘。至三十一世義慈王。歷一百二十年。至唐顯慶五年。是義慈王在位二十年。新羅金庚信與蘇定方討平之。百濟國舊有五部。分統三十七郡。二百濟城。七十六萬戶。唐以地分置熊津、馬韓、東明、金漣、德安等五都督府。仍其酋長爲都督府刺史。未幾。新羅盡并其地。置熊全、武三州及諸郡縣。又虎嵩寺有政事嵩。國家將議宰相。則書當選者名或三四。函封置嵩上。須臾取看。名上有印跡者爲相。故名之。又泗泚河邊有一嵩。蘇定方嘗坐此上。釣魚龍而出。故嵩上有龍跪之跡。因名龍嵩。又郡中有三山。曰日山、吳山、浮山。國家全盛之時。各有神人居其上。飛相往來。朝夕不絕。又泗泚崖又有一石。可坐十餘人。百濟王欲幸王興寺禮佛。先於此石望拜佛。其石自煖。因名煖石。又泗泚河兩崖如畫屏。百濟王每遊宴歌舞。

故至今稱爲大王浦。又始祖溫祚乃東明第三子。体洪大。性孝友。善騎射。又多婁王寬厚有威望。又沙沸王。伊一作沙仇首崩嗣位。而幼少不能政。即廢而立古爾王。或云。至樂初二年己未。乃崩。古爾方立。

武王。

古本作武康。非也。百濟無武康。

第三十。武王名璋。母寡居。築室於京師南池邊。池龍交通而生。小名薯童。器量難測。常掘薯蕷。賣爲活業。國人因以爲名。聞新羅眞平王第三公主善花。善一作美美艷無雙。剃髮來京師。以薯蕷餉閭里羣童。羣童親附之。乃作謠。誘羣童而唱之云。善化公主主隱。他密只嫁良。置古薯童房乙夜矣。卯乙抱遣去如。童謠滿京。達於宮禁。百官極諫。竄流公主於遠方。將行。王后以純金一斗贈行。公主將至竄所。薯童出拜途中。將欲侍衛而行。公主雖不識其從來。偶爾信悅。因此隨行。潛通焉。然後知薯童名。乃信童謠之驗。同至百濟。出母后所贈

金將謀計活。薯童大笑曰。此何物也。主曰。此是黃金。可致百年之富。薯童曰。吾自小掘薯之地。委積如泥土。主聞大驚曰。此是天下至寶。君今知金之所在。則此寶輸送父母宮殿何如。薯童曰。可。於是聚金積如丘陵。詣龍華山師子寺。知命法師所。問輸金之計。師曰。吾以神力可輸。將金來矣。主作書。并金置於師子前。師以神力。一夜輸置新羅宮中。真平王異其神變。尊敬尤甚。常馳書問安否。薯童由此得人心。即王位。一日王與夫人欲幸師子寺。至龍華山下大池邊。彌勒三尊出現池中。留駕致敬。夫人謂王曰。須創大伽藍於此地。固所願也。王許之。詣知命所。問填池事。以神力一夜頽山填池爲平地。乃法像彌勒三會。殿塔廊廡各三所創之。額曰彌勒寺。國史云。王興寺。真平王遣百工助之。至今存其寺。三國史云。是法王之子。而此傳之獨女之子。未詳。

後百濟。

甄萱。

三國史本傳云。甄萱尙州加恩縣人也。咸通八年丁亥生。本姓李。後

以甄爲氏。父阿慈个。以農自活。光啓中據沙弗城。州今尙自稱將軍。有四子。皆知名於世。萱號傑出。多智略。李碑家記云。眞興大王妃思刀諡曰白賊夫人。第三子仇輪。公之子波珍。干善品之子角干酌。珍妻王咬巴里。生角干元善。是爲阿慈个也。慈之第一妻上院夫人。第二妻南院夫人。生五子一女。其長子是尙父萱。二子將軍能哀。三子將軍龍蓋。四子寶蓋。五子將軍小蓋。一女大主刀金。又古記云。昔一富人。居光州北村。有一女子。姿容端正。謂父曰。每有一紫衣男到寢交婚。父謂曰。汝以長絲貫針刺其衣。從之。至明尋絲於北墻下。針刺於大蚯蚓之腰。因妊生一男。年十五。自稱甄萱。至景福元年壬子。稱王。立都於完山郡。理四十三年。以清泰元年甲午。萱之三子篡逆。萱投太祖。子金剛即位。天福元年丙申。與高麗兵會戰於一善郡。百濟敗績。國亡云。初萱生孺褓時。父耕于野。母餉之。以兒置于林下。虎來乳之。鄉黨聞者異焉。及壯體貌雄奇。志氣倜儻不凡。從軍入王京。赴西

南海防戍。枕戈待敵。其氣恒爲士卒先。以勞爲裨將。唐昭宗景福元年。是新羅眞聖王在位六年。髮豎在側。竊弄國權。綱紀紊弛。加以以飢饉。百姓流移。群盜蜂起。於是萱竊有叛心。嘯聚徒侶。行擊京西南州縣。所至響應。旬月之間。衆至五千。遂襲武珍州。自王猶不敢公然稱王。自署爲新羅西面都統。行全州刺史兼御史中承。上柱國漢南國開國公。龍化元年己酉也。一云。景福元年壬子。是時北原賊良吉雄強。弓裔自投爲麾下。萱聞之。遙授良吉職爲裨將。萱西巡至完山州。州民迎勞。喜得人心。謂左右曰。百濟開國六百餘年。唐高宗以新羅之請。遣將軍蘇定方。以舡兵十三萬越海。新羅金庾信卷土歷黃山。與唐兵合。攻百濟滅之。予今敢不立都。以雪宿憤乎。遂自稱後百濟王。設官分職。是唐光化三年。新羅孝恭王四年也。貞明四年戊寅。鐵原京衆心忽變。推戴我太祖即位。萱聞之。遣使稱賀。遂獻孔雀扇。地理山竹箭等。萱與我太祖。陽和陰尅。獻驄馬於太祖。三年冬十月。

萱率三千騎至曹物城。詳今未太祖亦以精兵來與之角。萱兵銳。未決勝負。太祖欲權和以老其師。移書乞和。以堂弟王信爲質。萱亦以外甥真虎交質。十二月。攻取居西。詳今未等二十餘城。遣使入後唐稱藩。唐策授檢校大尉兼侍中判百濟軍事。依前都督行全州刺史海東四面都統指揮兵馬判置等事。百濟王食邑二千五百戶。四年。真虎暴卒。疑故殺。即囚王信。使人請還前年所送驄馬。太祖笑還之。天成二年丁亥九月。萱攻取近品城。賜今山縣燒之。新羅王求救於太祖。太祖將出師。萱襲取高鬱府。州今蔚進軍族始林。林一云雞西郊卒入新羅王都。新羅王與夫人出遊鮑石亭時。由是甚敗。萱強引夫人亂之。以王之族弟金傅嗣位。然後虜王弟孝廉宰相英景。又取國珍寶。兵仗。子女。百工之巧者。自隨以歸。太祖以精騎五千。要萱於公山下大戰。太祖之將金樂。崇謙死之。諸軍敗北。太祖僅以身免。而不與相抵。使盈其貫。萱乘勝轉掠大木城。木今若京山府。康州。攻缶谷城。又義成府之守洪述。拒

戰而死。太祖聞之曰。吾失右手矣。四十二年庚寅。萱欲攻古昌郡。

安今

東大舉而石山營寨。太祖隔百步。而郡北瓶山營寨。累戰。萱敗。獲侍

郎金渥。翌日萱收卒。襲破順城。城主元逢不能禦。棄城宵遁。太祖赫

怒。貶爲下枝縣。

今豐山縣。元逢本順州城人故也。

新羅君臣以衰季難以復興。謀引我太

祖。結好爲援。萱聞之。又欲入王都作惡。恐太祖先之。寄書于太祖曰。

昨者國相金雄廉等將召足下入京。有同鼈應龍聲。是欲鷄披準

翼。必使生靈塗炭。宗社丘墟。僕是以先著祖鞭。獨揮韓鉞。誓百寮

如皎日。諭六部以義風。不意奸臣遁逃。邦君薨變。遂奉景明王表弟。

獻康王之外孫。勸即尊位。再造危邦。喪君有君。於是乎在。足下勿詳

忠告。徒聽流言。百計窺覷。多方侵擾。尙不能見僕馬首。拔僕牛毛。冬

初。都頭索湘束手於星山陣下。月內。左將金樂曝骸於美利寺前。殺

獲居多。追禽不小。強羸若此。勝敗可知。所期者。掛弓於平壤之樓。飲

馬於涓江之水。然以前月七日。吳越國使班尙書至。傳王詔旨。知卿



與高麗久通和好。共契隣盟。比因質子之兩亡。遂失和親之舊好。互侵疆境。不戢干戈。今專發使臣。赴卿本道。又移文高麗。宜各相親比。永孚于休。僕義篤尊王。情深事大。及聞詔諭。即欲祗承。但慮足下欲罷不能。因而猶鬪。今錄詔書寄呈。請留心詳悉。且免獯迭。終必貽譏。蚌鶴相持。亦爲所笑。宜迷復之爲誠。無後悔之自貽。天<sup>△</sup>成<sup>△</sup>三<sup>△</sup>年正月。太祖答曰。伏奉吳越國通使班尙書所傳詔旨書一道。兼蒙足下辱示長書叙事者。伏以華軺膚使。爰到制書。尺素好音。兼蒙教誨。捧芝檢而雖增感激。闢華牋而難遣嫌疑。今託廻軒。輒敷危衽。僕仰承天假。俯迫人推。過叨將帥之權。獲赴經綸之會。頃以三韓厄會。九土凶荒。黔黎多屬於黃巾。田野無非其赤土。庶幾弭風塵之警。有以救邦國之災。爰自善隣。於爲結好。果見數千里農桑樂業。七八年士卒閑眠。及至癸酉年。維時陽月。忽焉生事。至乃交兵。足下始輕敵以直前。若螳蜋之拒轍。終知難而勇退。如蚊子之負山。拱手陳辭。指天

作誓。今日之後。永世歡和。苟或渝盟。神其殛矣。僕亦尙止戈之武。期不殺之仁。遂解重圍。以休疲卒。不辭質子。但欲安民。此即我有大德於南人也。豈期歃血未乾。凶威復作。蜂蠆之毒。侵害於生民。狼虎之狂。爲梗於畿甸。金城窘忽。黃屋震驚。仗義尊周。誰似桓文之霸。乘間謀漢。唯看莽卓之奸。致使王之至尊。枉稱子於足下。尊卑失序。上下同憂。以爲非有元輔之忠純。豈得再安社稷。以僕心無匿惡。志切尊王。將援置於朝廷。使扶危於邦國。足下見毫釐之小利。忘天地之厚恩。斬戮君主。焚燒宮闕。菹醢卿佐。虔劉士民。姬姜則取以同車。珍寶則奪之相載。元惡浮於桀紂。不仁甚於獍梟。僕怨極崩天。誠深却日。約効鷹鷂之逐。以申犬馬之勤。再舉干戈。兩更槐柳。陸戰則雷馳電激。水攻則虎搏龍騰。動必成功。舉無虛發。逐尹卿於海岸。積甲如山。禽雛造於城邊。伏屍蔽野。燕山郡畔。斬吉奐於軍前。馬利疑伊山郡城。戮隨晤於轟下。拔任存今大興郡之日。刑積等數百人捐軀。破清川縣尙州領內縣名

之時。直心等四五輩授首。桐藪華今桐寺望旗而潰散。京山銜壁以投降。

康州則自南而來。羅府則自西移屬。侵攻若此。收復寧遙。必期泚水

營中。雪張耳千般之恨。烏江岸上。成漢王一捷之心。竟息風波。永清

寰海。天之所助。命欲何歸。况承吳越王殿下。德洽包荒。仁深字小。特

出綸於丹禁。諭戢難於青丘。既奉訓謀。敢不尊奉。若足下祇承睿旨。

悉戢凶機。不唯副上國之仁恩。抑亦可紹海東之絕緒。若不過而能

改。其如悔不可追。書乃崔致遠作也。長興三年。甄萱臣龔直勇而有智略。來降

太祖。萱捉龔直二子一女。烙斷股筋。秋九月。萱遣一吉。以舡兵入高

麗禮城江。留三日。取鹽白貞三州船一百艘。焚之而去。云云。清泰元

年甲午。萱聞太祖屯運州。未詳。遂簡甲士。蓐食而至。未及營壘。將軍黔

弼以勁騎擊之。斬獲三千餘級。熊津以北三十餘城。聞風自降。萱麾

下術士宗訓。醫者之謙。勇將尙逢。崔弼等降於太祖。丙申正月。萱謂

子曰。老夫新羅之季。立後百濟名。有年于今矣。兵倍於北軍。尙爾不

利。殆天假手爲高麗。盡歸順於北王。保首領矣。其子神劍、龍劍、良劍等三人皆不應。李磾家記云。萱有九子。長曰神劍。一云甄成。二子太師謙腦。三子佐承龍述。四子大師聰智。五子大阿干宗祐。六子闕。七子佐承位興。八子太師青丘。一女國大夫人。皆上院夫人所生也。萱多妻妾。有子十餘人。第四子金剛。身長而多智。萱特愛之。意欲傳位。其兄神劍、良劍、龍劍知之憂憫。時良劍爲康州都督。龍劍爲武州都督。獨神劍在側。伊殮能免使人往康武二州。與良劍等謀。至清泰二年乙未春三月。與英順等勸神劍。幽萱於金山佛宇。遣人殺金剛。神劍自稱大王。赦境內云云。初萱寢未起。遙聞宮庭呼啞聲。問是何聲歟。告父曰。王年老暗於軍國政要。長子神劍攝父王位。而諸將歡賀聲也。俄移父於金山佛宇。以巴達等壯士三十人守之。童謠曰。可憐完山兒。失父涕連酒。萱與後宮年少男女二人。侍婢古比女。內人能又男等囚繫。至四月。釀酒而飲。醉守卒三十人。而與小元甫香又、吳琰、忠

質等以海路迎之。既至。以萱爲十年之長。尊號爲尙父。安置于南宮。賜楊州食邑田莊奴婢四十口。馬九匹。以其國先來降者。信康爲衙前。甄萱婿將軍英規密語其妻曰。大王勤勞四十餘年。功業垂成。一旦以家人之禍失地。從於高麗。夫貞女不可二夫。忠臣不事二主。若捨己君。以事逆子耶。何顏以見天下之義士乎。况聞高麗王公仁厚。勤儉。以得民心。殆天啓也。必爲三韓之主。盍致書以安慰我王。兼懇勲於王公。以圖後來之福乎。妻曰。子之言是吾意也。於是天福元年丙申二月。遣人致意於太祖。曰。君舉義旗。請爲內應。以迎王師。太祖喜。厚賜其使者。遣之。謝英規曰。若蒙恩一合。無道路之梗。卽先致謁於將軍。然後升堂拜夫人。兄事而姊尊之。必終有以厚報之。天下鬼神皆聞此語。六月。萱告太祖。老臣所以投身於殿下者。願仗殿下威稜。以誅逆子耳。伏望大王借以神兵。殲其賊亂。臣雖死無憾。太祖曰。非不欲討之。待其時也。先遣太子及武將軍述希。領步騎十萬。趣天

安府。秋九月。太祖率三軍至天安。合兵進次一善。神劔以兵逆之。甲午。隔一利川相對。王師背良向坤而陣。太祖與萱觀兵。忽白雲狀如劔戟起。我師向彼行焉。乃鼓行而進。百濟將軍孝奉、德述、哀述、明吉等。望兵勢大而整。弃甲降於陣前。太祖勞慰之。問將帥所在。孝奉等曰。元帥神劔在中軍。太祖命將軍公萱等。三軍齊進挾擊。百濟軍潰。北至黃山炭峴。神劔與二弟。將軍富達、能免等四十餘人。生降。太祖受降。餘皆勞之。許令與妻子上京。問能免曰。始與良劔等密謀。囚大王立其子者。汝之謀也。爲臣之義。當如是乎。能免俛首不能言。遂命誅之。以神劔僭位爲人所脅。非其本心。又且歸命乞罪。特原其死。甄萱憂懣發疽。數日卒於黃山佛舍。九月八日也。壽七十。太祖軍令嚴明。士卒不犯秋毫。州縣安堵。老幼皆呼萬歲。謂英規曰。前王失國後。其臣子無一人慰之者。獨卿夫妻千里嗣音。以致誠意。兼歸美於寡人。其義不可忘。許職左承。賜田一千頃。許借驛馬三十五匹以迎家。

人。賜其二子以官。甄萱起唐景福元年。至晉天福元年。共四十五年。丙申滅。史論曰。新羅數窮道喪。天無所助。民無所歸。於是羣盜投隙而作。若狴毛然。其劇者弓裔。甄萱二人而已。弓裔本新羅王子。而反以家國爲讎。至斬先祖之畫像。其爲不仁甚矣。甄萱起自新羅之民。食新羅之祿。而包藏禍心。幸國之危。侵軼都邑。虔劉君臣。若禽獸。實天下之元惡。故弓裔見弃於其臣。甄萱產禍於其子。皆自取之也。又誰咎也。雖項羽李密之雄才。不能敵漢唐之興。而況裔萱之凶人。豈可與我太祖相抗歟。

駕洛國記。文廟朝。大康年間。金官知州事。文人所撰也。今略而載之。

開闢之後。此地未有邦國之號。亦無君臣之稱。越有我刀干。汝刀干。彼刀干。五刀干。留水干。留天干。神天干。五天干。神鬼干等九干者。是酋長。領總百姓。凡一百戶。七萬五千人。多以自都山野。鑿井而飲。耕田而食。屬後漢世。祖光武帝建武十八年壬寅三月禊洛之日。所居

北龜旨

是峯巒之稱。若朋伏之狀。故云也。

有殊常聲氣。呼喚衆庶。二三百人集會於此。有如人音。隱其形。而發其音。曰。此有人否。九干等云。吾徒在。又曰。吾所在爲何。對云。龜旨也。又曰。皇天所以命我者。御是處。惟新家邦。爲君后。爲茲故降矣。你等須掘峯頂撮土。歌之云。龜何龜何。首其現也。若不現也。燔灼而喫也。以之蹈舞。則是迎大王。歡喜踴躍之也。九干等如其言。咸忻而歌舞。未幾仰而觀之。唯紫繩自天垂而着地。尋繩之下。乃見紅幅裏金合子。開而視之。有黃金卵六圓。如日者。衆人悉皆驚喜。俱伸百拜。尋還。裏著抱持。而歸我刀家。寘榻上。其衆各散。過浹辰。翌日平明。衆庶復相聚集。開合。而六卵化爲童子。容貌甚偉。仍坐於床。衆庶拜賀。盡恭敬止。日日而大。踰十餘晨昏。身長九尺。則殷之天乙。顏如龍焉。則漢之高祖。眉之八彩。則有唐之高。眼之重瞳。則有虞之舜。其於月望日即位也。始現故諱首露。或云首陵。首陵是崩後諡也。國稱大駕洛。又稱伽耶國。即六伽耶之一也。餘五人各歸爲五伽耶主。東



以黃山江西南以滄海西北以地理山東北以伽耶山南而爲國尾俾創假宮而入御。但要質儉。茅茨不剪。土階三尺。二年癸卯春正月。

王若曰。朕欲定置京都。仍駕幸假宮之南新沓坪。

是古來開田新耕作。故云也。沓乃俗文也。

四望

山嶽。顧左右曰。此地狹小如蓼葉。然而秀異。可爲十六羅漢住地。何

況自一成三。自三成七。七聖住地。固合于是。托土開疆。終然允臧。歟。

築置一千五百步。周廻羅城。宮禁殿宇。及諸有司屋宇。武庫倉廩之

地事訖。還宮。徧徵國內丁壯人夫工匠。以其月二十日。資始金陽。暨

三月十日役畢。其宮闕屋舍。候農隙而作之。經始于厥年十月。逮甲

辰二月而成。消吉辰御新宮。理萬機而勲庶務。忽有琬夏國舍達王

之夫人妊娠。彌月生卵。卵化爲人。名曰脫解。從海而來。身長三尺。頭

圓一尺。悅焉詣闕。語於王云。我欲奪王之位。故來耳。答曰。天命我俾

即于位。將令安中國。而綏下民。不敢違天之命。以與之位。又不敢以

吾國吾民付囑於汝。解云。若爾可爭其術。王曰。可也。俄頃之間。解化

爲鷹。王化爲鷺。又解化爲雀。王化爲鷓。于此際也。寸陰未移。解還本身。王亦復然。解乃伏膺曰。僕也適於角術之場。鷹之鷺。雀之於鷓。獲免焉。此蓋聖人惡殺之仁而然乎。僕之與王。爭位良難。便拜辭而出。到麟郊外渡頭。將中朝來泊之水道而行。王竊恐滯留謀亂。急發舟師五百艘而追之。解奔入雞林地界。舟師盡還。事記所載多異。與新羅。屬建武二十四年戊申七月二十七日。九干等朝謁之次。獻言曰。大王降靈已來。好仇未得。請臣等所有處女絕好者。選入宮闈。俾爲伉儷。王曰。朕降于茲。天命也。配朕而作后。亦天之命。卿等無慮。遂命留天干。押輕舟。持駿馬。到望山島立待。申命神鬼干。就乘帖。望山島。京南島嶼也。忽自海之西南隅。掛緋帆。張茜旗。而指乎北。留天等先舉火於島上。則競渡下陸。爭奔而來。神鬼望之。走入闕奏之。上聞欣欣。尋遣九干等。整蘭橈。揚桂楫而迎之。旋欲陪入內。王后乃曰。我與爾等素昧平生焉。敢輕忽相隨而去。留天等返達后之語。王然之。率有司動

蹕。從闕下西南六十步許地。山邊設幔殿祇候。王后於山外別浦津頭。維舟登陸。憇於高嶠。解所著綾袴爲贄。遺于山靈也。其他侍從媵臣二員。名曰申輔。趙匡。其妻二人。號慕貞。慕良。或臧獲并計二十餘口。所費錦繡綾羅衣裳正段。金銀珠玉瓊玖服玩器。不可勝記。王后漸近行在。上出迎之。同入帷宮。媵臣已下衆人。就階下而見之。即退。上命有司。引媵臣夫妻曰。人各以一房安置。已下臧獲各一房五六人安置。給之以蘭液蕙醕。寢之以文茵彩薦。至於衣服正段寶貨之類。多以軍夫遴集而護之。於是王與后共在御國寢。從容語王曰。妾是阿踰陀國公主也。姓許。名黃玉。年二八矣。在本國時。今年五月中。父王與皇后顧妾而語曰。爺孃一昨夢中。同見皇天上帝。謂曰。駕洛國元君首露者。天所降而俾御大寶。乃神乃聖。惟其人乎。且以新莅家邦。未定匹偶。卿等湏遣公主而配之。言訖升天。形開之後。上帝之言。其猶在耳。備於此而忽辭親向彼乎。往矣。妾也。浮海遐尋於蒸棗。移天

夔赴於蟠桃。螭首敢叨。龍顏是近。王答曰。朕生而頗聖。先知公主自遠而屆。下臣有納妃之請。不敢從焉。今也淑質自臻。眇躬多幸。遂以合歡。兩過清霄。一經白晝。於是遂還來船。篙工楫師共十有五人。各賜糧粳米十碩。布三十疋。令歸本國。八月一日。迴鑾。與后同輦。媵臣夫妻齊鑾。並駕。其漢肆雜物。咸使乘載。徐徐入闕。時銅壺欲午。王后爰處中宮。勅賜媵臣夫妻私屬空閑二室分入。餘外從者以賓館。一坐二十餘間。酌定人數。區別安置。日給豐羨。其所載珍物。藏於內庫。以爲王后四時之費。一日上語臣下曰。九干等俱爲庶僚之長。其位與名。皆是宵人野夫之號。頓非簪履職位之稱。儻化外傳聞。必有嗤笑之耻。遂改我刀爲我躬。汝刀爲汝諧。彼刀爲彼藏。五方爲五常。留水。留天之名。不動上字。改下字。留功。留德。神天△改爲神道。五天改爲五能。神鬼之音不易。改訓爲臣貴。取雞林職儀。置角干。阿叱干。級干之秩。其下官僚。以周判漢儀而分定之。斯所以革古鼎。新設官分職之道。

歟。於是乎理國齊家。愛民如子。其教不肅而威。其政不嚴而理。況與王后而居也。比如天之有地。日之有月。陽之有陰。其功也。塗山翼夏。唐煖興嬌。頻年有夢得熊羆之兆。誕生太子居登公。靈帝中平六年己巳三月一日。后崩。壽一百五十七。國人如嘆坤崩。葬於龜旨東北塢。遂欲不忘子愛下民之惠。因號初來下纜渡頭村。曰主浦村。解綾袴高岡。曰綾峴。茜旗行入海涯。曰旗出邊。媵臣泉府卿申輔。宗正監趙匡等。到國三十年後。各產二女焉。夫與婦踰一二年而皆拋信也。其餘臧獲之輩。自來七八年間。未有茲子生。唯抱懷土之悲。皆首丘而沒。所舍賓館。圓其無人。元君乃每歌鰥枕。悲嘆良多。隔二五歲。以獻帝立安四年己卯三月二十三日而殂落。壽一百五十八歲矣。國中之人若亡天。只悲慟。甚於后崩之日。遂於闕之良方平地。造立殯宮。高一丈。周三百步而葬之。號首陵王廟也。自嗣子居登王洎九代孫仇衝之享是廟。須以每歲孟春三之日。七之日。仲夏重五之日。仲秋

初五之日。十五之日。豐潔之奠。相繼不絕。洎新羅第三十王法敏龍朔元年辛酉三月日。有制曰。朕是伽耶國元君九代孫仇衝王之降于當國也。所率來子世宗之子率友公之子庶云。匣干之女王文明皇后寔生我者。茲故元君於幼冲人。乃爲十五代始祖也。所御國者已曾敗。所葬廟者今尙存。合于宗祧。續乃祀事。仍遣使於黍離之趾。近廟上上田三十頃。爲供營之資。號稱王位田。付屬本土。王之十七代孫賡世。級于祗稟朝旨。主掌厥田。每歲時釀醪醴。設以餅飯茶菓。庶羞等奠。年年不墜。其祭日不失。居登王之所定年內五日也。芬苾孝祀。於是乎在於我。自居登王即位己卯年。置便房。降及仇衝朝末。三百三十載之中。享廟禮曲。永無違者。其乃仇衝失位去國。逮龍朔元年辛酉。六十年之間。享是廟禮。或闕如也。美矣哉。文武王。法敏王先先奉尊祖。孝乎惟孝。繼泯絕之祀。復行之也。新羅季末。有忠至匣干者。攻取金官高城。而爲城主將軍。爰有英規阿干。假威於將軍。奪廟享

而淫祀。當端午而致告。祠堂梁無故折墜。因覆壓而死焉。於是將軍自謂。宿因多幸。辱爲聖王所御。國城之奠。宜我畫其真影。香燈供之。以酬玄恩。遂以鮫絹三尺。摸出真影。安於壁上。旦夕膏炷。瞻仰虔至。才三日。影之二目。流下血淚。而貯於地上。幾一斗矣。將軍大懼。捧持其真。就廟而焚之。即召王之真孫。圭林而謂曰。昨有不祥事。一何重疊。是必廟之威靈。震怒余之圖畫。而供養不孫。英規旣死。余甚恠畏。影已燒矣。必受陰誅。卿是王之真孫。信合依舊以祭之。圭林繼世。奠醑。年及八十八歲而卒。其子間元卿。續而克禋。端午日謁廟之祭。英規之子俊。必又發狂。來詣廟。俾徹間元之奠。以己奠陳享。三獻未終。得暴疾。歸家而斃。然古人有言。淫祀無福。反受其殃。前有英規。後有俊。父子之謂乎。又有賊徒。謂廟中多有金玉。將來盜焉。初之來也。有躬擐甲冑。張弓挾矢。猛士一人。從廟中出。四面雨射。中殺七八人。賊徒奔走。數日再來。有大蟒長三十餘尺。眼光如電。自廟旁出。咬殺

八九人。粗得完免者。皆僵仆而散。故知陵園表裏。必有神物護之。自建安四年己卯始造。逮今上御圖三十一載。大康二年丙辰。凡八百七十八年。所封美土。不驚不崩。所植佳木。不枯不朽。況所排列萬蘊玉之片片。亦不頽坼。由是觀之。辛替否曰。自古迄今。豈有不亡之國。不破之墳。唯此駕洛國之昔曾亡。則替否之言有徵矣。首露廟之。不毀。則替否之言未足信也。此中更有戲樂思慕之事。每以七月二十九日。土人吏卒。陟乘帖。設帷幕。酒食歡呼。而東西送目。壯健人夫。分類以左右之。自望山島。駁蹄駸駸。而競湊於陸。鷄首泛泛。而相推於水。北指古浦而爭趨。蓋此昔留天。神鬼等望后之來。急促告君之遺迹也。國亡之後。代代稱號不一。新羅第三十一。政明王即位。開耀元年辛巳。號爲金官京。置大守。後二百五十九年。屬我太祖統合之後。代代爲臨海縣。置排岸使。四十八年也。次爲臨海郡。或爲金海府。置都護府。二十七年也。又置防禦使。六十四年也。淳化二年。金海府量



田使中大夫趙文善申省狀稱。首露陵王廟屬田結數多也。宜以十五結仍舊貫。其餘分折於府之役丁。所司傳狀奏聞。時廟朝宣旨曰。天所降卵。化爲聖君。居位而延齡。則一百五十八年也。自彼三皇而下。鮮克比肩者歟。崩後自先代俾屬廟之壠畝。而今減除。良堪疑懼。而不允。使又申省。朝廷然之。半不動於陵廟中。半分給於鄉人之丁也。節使置田使雅也。受朝旨。乃以半屬於陵園。半以支給於府之徭役戶丁也。幾臨事畢。而甚勞倦。忽一夕夢見七八介鬼神。執縲紲。握刀劍而至。云。侑有大愆。故加斬戮。其使以謂受刑而慟楚。驚懼而覺。仍有疾瘵。勿令人知之。宵遁而行。其病不問渡關而死。是故量田都帳不著印也。後人奉使來。審檢厥田。才一結十二頁九束也。不足者三結八十七頁一束矣。乃推鞠斜入處。報告內外官。勅理足支給焉。又有古今所嘆息者。元君八代孫金銓王克勤爲政。又切崇眞。爲世祖母許皇后奉資冥福。以元嘉二十九年壬辰。於元君與皇后合婚之地創

寺。額曰王后寺。遣使審量近側平田十結。以爲供億三寶之費。自有是寺五百後。置長遊寺。所納田柴并三百結。於是右寺三剛。以王后寺在寺柴地東南標內。罷寺爲莊。作秋收冬藏之場。秣馬養牛之厩。悲夫。世祖已下九代孫曆數。委錄于下。銘曰。

元胎肇啓

利眼初明

人倫雖誕

君位未成

中朝累世

東國分京

雞林先定

駕洛後營

自無銓宰

誰察民氓

遂茲玄造

顧彼蒼生

用授符命

特遣精靈

山中降卵

霧裏藏刑

內猶漠漠

外亦冥冥

望如無象

聞乃有聲

羣歌而奏

衆舞而呈

七日而後

一時所丁

風吹雲卷

空碧天青

下六圓卵

垂一紫纓

殊方異土

比屋連蔓

觀者如堵

覩者如羹

五歸各邑

一在茲城

同時同迹

如弟如兄

實天生德 為世作程 寶位初陟 寔區欲清

華構徵古 土階尚平 萬機始勉 庶政施行

無偏無僞 惟一惟精 行者讓路 農者讓耕

四方奠枕 萬姓迓衡 俄晞薤露 靡保椿齡

乾坤變氣 朝野痛情 金相其躅 玉振其聲

來苗不絕 薦藻惟馨 日月雖逝 規儀不傾

居登王。父首露王。母許王后。立安四年己卯三月十三

日即位。治三十九年。嘉平五年癸酉九月十七日崩。

王妃泉府卿申輔女慕貞。生太子麻品。開皇曆云。姓

金氏。蓋國世祖從金卵而生。故以金為姓爾。

麻品王。一云馬品。金氏。嘉平五年癸酉即位。治三十九年。永

平元年辛亥一月二十九日崩。王妃宗正監趙匡孫

女好仇。生太子居叱彌。

居叱彌王。

一云今勿。金氏。永平元年即位。治五十六年。永和二年丙午七月八日崩。王妃阿躬阿干孫女阿志。生王子伊品。

伊尸品王。

金氏。永和二年即位。治六十二年。義瀝三年丁未四月十日崩。王妃司農鄉克忠女貞信。生王子坐知。

坐知王。

一云金叱。義瀝三年即位。娶傭女。以女黨爲官。國內擾亂。雞林國以謀欲伐。有一臣名朴元道。諫曰。遺草閱閱亦含羽。况乃人乎。天亡地陷。人保何基。又卜士筮得解卦。其辭曰。解而悔。朋至斯孚。君鑑易卦乎。王謝曰。可擯傭女。貶於荷山島。改行其政。長御安民也。治十五年。永初二年辛酉五月十二日崩。王妃道寧。大阿干女福壽。生子吹希。

吹希王。

一云叱嘉。金氏。永初二年即位。治三十一年。元嘉二

十八年辛卯二月三日崩。王妃進思角干女仁德。生王子銓知。

銓知王。

一云金銓王。元嘉二十八年即位。明年爲世祖許黃玉王后。奉資冥福。於初與世祖合御之地。創寺曰王后寺。納田十結充之。治四十二年。永明十年壬申十月四日崩。王妃金相沙干女邦媛。生王子鉗知。

鉗知王。

一云金鉗王。永明十年即位。治三十年。正光二年辛丑四月七日崩。王妃出忠角干女淑。生王子仇衡。

仇衡王。

金氏。正光二年即位。治四十二年。保定二年壬午九月。新羅第二十四君眞興王。興兵薄伐。王使親軍卒。彼衆我寡。不堪對戰也。仍遣同氣脫知尔叱今。留在於國。王子上孫卒支公等降入新羅。王妃分叱水尔叱女桂花。生三子。一世宗角干。二茂刀角干。三茂得

角干。開皇錄云。梁中大通四年壬子。降于新羅。議曰。案三國史。仇衡以梁中大通四年壬子。納土投羅。則計自首露。初即位東漢建武十八年壬寅。至仇衝末壬子。得四百九十年矣。若以此記考之。納土在元魏保定二年壬午。則更三十年。總五百二十年矣。今兩存之。

三國遺事卷二

三國遺事卷第三

興法第三

順道肇麗

道公之次。亦有法深、義淵、曇嚴之流。相繼而興教。然古傳無文。今亦不敢編次。詳見僧傳。

高麗本記云。小獸林王即位二年壬申。乃東晉咸安二年。孝武帝即位之年也。前秦苻堅遣使及僧道。送佛像經文。時堅都關中。即長安。又四年甲戌。阿道來自晉。明年乙亥二月。創肖門寺。以置順道。又創伊弗蘭寺。以置阿道。此高麗佛法之始。僧傳作二道來自魏云者。誤矣。實自前秦而來。又云肖門寺。今興國。伊弗蘭寺。今興福者。亦誤。按麗時都安市城。一名安丁忽。在遼水之北。遼水一名鴨淥。今云安民江。豈有松京之興國寺名。讚曰。鴨淥春深渚草鮮。白沙鷗鷺等閑眠。忽驚柔櫓一聲遠。何處漁舟客到烟。

難陀闢濟

百濟本記云。第十五

傳云十四。誤。

枕流王即位甲申。

東晉孝武帝大元九年。

胡僧摩羅難

隋至自晉。迎置宮中禮敬。明年乙酉。創佛寺於新都漢山州。度僧十人。此百濟佛法之始。又阿莘王即位大元十七年二月。下教崇信佛法求福。摩羅難陀。譯云童學。其異迹詳見僧傳。讚曰。天造從來草昧間。大都為伎也。應難。翁翁自解呈歌舞。引得旁人借眼看。

阿道基羅。一作我道。又阿頭。

新羅本記第四云。第十九訥祇王時。沙門墨胡子自高麗至一善郡。

郡人毛禮。

或作毛祿。

於家中作掘室安置。時梁遣使賜衣著香物。

高得相詠史詩云。梁遣使僧曰

元表。宜送漢禮及經像。

君臣不知其香名與其所用。遣人齎香。遍問國中。墨胡子見

之曰。此之謂香也。焚之則香氣芬馥。所以達誠於神聖。神聖未有過

於三寶。若燒此發願。則必有靈應。

酌瓶在齊宋之世。而云梁遣使恐誤。

時王女病革。使召墨

胡子。焚香表誓。王女之病尋愈。王喜厚加賚賜。俄而不知所歸。又至

二十一毗處王時。有我道和尚。與侍者三人。亦來毛禮家。儀表似墨

胡子。住數年。無疾而終。其侍者三人留住。講讀經律。往往有信奉者。



有注云。與本碑及諸傳記殊異。又高僧傳云。西竺人。或云從吳來。按我道本碑云。我道高麗人也。母高道寧。

正始間。曹魏人我也。姓我。峴摩奉使句麗。私之而還。因而有娠。師生五歲。

其母令出家。年十六。歸魏。省覲峴摩。投立彰和尚講下就業。年十九。

又歸寧於母。母謂曰。此國于今不知佛法。爾後三千餘月。鷄林有聖

王出。大興佛教。其京都內有七處伽藍之墟。一曰金橋東天鏡林。與今

輪寺。金橋謂西川之橋。俗訛呼云松橋也。寺自我道始。二曰三川岐。今水與寺。與基。而中廢。至法興王丁未草創。乙卯大開。真興王畢成。二曰三川岐。今水與寺。與

龍宮南。今皇龍寺。真興王癸酉始開。四曰龍宮北。今芬皇寺。善德甲午始開。五曰沙川尾。今靈妙寺。善德

六曰神遊林。今天王寺。文武王己卯開。七曰婿請田。今晏嚴寺。皆前佛時伽藍之墟。法水長

流之地。爾歸彼而播揚大教。當東嚮於釋祀矣。道稟教至鷄林。寓止

王城西里。今嚴莊寺。于時未離王即位二年癸未也。詣闕請行教法。

世以前所未見爲嫌。至有將殺之者。乃逃隱于續林。今一善縣。毛祿家。祿與禮形近之

訛。古記云。法師初來毛祿家。時天地震驚。時人不知僧名。而云阿頭多麼。多麼者乃鄉言之稱僧也。猶言沙彌也。三年。時成國公主疾。巫醫

不効。勅使四方求醫。師率然赴闕。其疾遂理。王大悅。問其所須。對曰。

貧道百無所求。但願創佛寺於天境林。大興佛教。奉福邦家爾。王許之。命興工。俗方質儉。編茅葺屋。住而講演。時或天花落地。號興輪寺。毛祿之妹名史氏。投師爲尼。亦於三川岐。創寺而居。名永興寺。未幾。未離王即世。國人將害之。師還毛祿家。自作塚。閉戶自絕。遂不復現。因此大教亦廢。至二十三法興大王。以蕭梁天監十三年甲午登位。乃興釋氏。距未離王癸未之歲。二百五十二年。道寧所言三千餘月。驗矣。據此。本記與本碑。二說相戾。不同如此。嘗試論之。梁唐二僧傳。及三國本史皆載。麗濟二國佛教之始。在晉末大元之間。則二道法師。以小獸林甲戌到高麗明矣。此傳不誤。若以毗盧王時方始到羅。則是阿道留高麗百餘歲。乃來也。雖大聖行止出沒不常。未必皆爾。抑亦新羅奉佛。非晚甚如此。又若在未離之世。則却超先於到麗甲戌。百餘年矣。于時鷄林未有文物禮教。國號猶未定。何暇阿道來請奉佛之事。又不合高麗未到而越至于羅也。設使暫興還廢。何其間。

寂寥無聞而尙不識香名哉。一何大後。一何大先。揆夫東漸之勢。必始于麗濟而終乎羅。則訥祇既與獸林世相接也。阿道之辭麗抵羅。宜在訥祇之世。又王女救病。皆傳爲阿道之事。則所謂墨胡者非眞名也。乃指目之辭。如梁人指達摩爲碧眼胡。晉調釋道安爲柴道人類也。乃阿道危行避諱。而不言名姓故也。蓋國人隨其所聞。以墨胡阿道二名。分作二人爲傳爾。况云阿道儀表似墨胡。則以此可驗其一人也。道寧之序七處。直以創開先後預言之。而傳失之。故今以沙川尾躋於五次。三千餘月未必盡信。蓋自訥祇之世抵乎丁未。无虑一百餘年。若曰一千餘月。則殆幾矣。姓我單名。疑質難詳。又按元魏釋曇始一云始傳云。始關中人。自出家已後。多有異迹。晉孝武大元年末。貴經律數十部。往遼東宣化。現授三乘。立以歸戒。蓋高麗聞道之始也。義熙初復還關中。開導三輔。始足白於面。雖涉泥水。未嘗沾濕。天下咸稱白足和尚云。晉末朔方匈奴赫連勃勃。破獲關中。斬戮

無數。時始亦遇害。刀不能傷。勃勃嗟嘆之。普赦沙門。悉皆不殺。始於是潛遁山澤。修頭陀行。拓拔燾復尅長安。擅威關洛。時有博陵崔皓。小習左道。猜嫉釋教。既位居僞輔。爲燾所信。乃與天師寇謙之說燾。佛教無益。有傷民利。勸令廢之。云云。大平之末。始方知燾將化時。至乃以元會之日。忽杖錫到宮門。燾聞令斬之。屢不傷。燾自斬之。亦無傷。飼北園所養虎。亦不敢近。燾大生慙懼。遂感癘疾。崔、寇二人相次發惡病。燾以過由於彼。於是誅滅二家門族。宣下國中。大弘佛法。始後不知所終。議曰。曇始以大元末到海東。義熙初還關中。則留此十餘年。何東史無文。始旣恢詭不測之人。而與阿道、墨胡、難陀、年事相同。三人中疑一必其變諱也。讚曰。雪擁金橋凍不開。鷄林春色未全迴。可怜青帝多才思。先著毛郎宅裏梅。

原宗興法。

距訥祇世一百餘年。

獸鬪滅身。

新羅本記。法興大王即位十四年。小臣異次頓爲法滅身。即蕭梁普

通八年丁未。西竺達摩來金陵之歲也。是年。朗智法師亦始住靈鷲山開法。則大教興衰。必遠近相感一時。於此可信。元和中。南澗寺沙門一念撰鬻香墳禮佛結社文。載此事甚詳。其略曰。昔在法興大王垂拱紫極之殿。俯察扶桑之域。以謂昔漢明感夢。佛法東流。寡人自登位。願爲蒼生欲造修福滅罪之處。於是朝臣鄉傳云。工目謁恭等。未測深意。唯遵理國之大義。不從建寺之神略。大王嘆曰。於戲。寡人以不德丕承大業。上虧陰陽之造化。下無黎庶之歡。萬機之暇。留心釋風。誰與爲伴。粵有內養者。姓朴字獸鬪。或作異次。或云伊盧。方音之別也。譯云獸也。鬪。頓。道。說。獨等也。皆隨書者之便。乃助辭也。今譯上不譯下。故云獸鬪。又獸觀也。其父未詳。祖阿珍宗郎。習寶葛文王之子也。新羅官爵凡十七級。其第四曰波珍喚。亦云阿珍喚也。宗其名也。習寶亦名也。羅人凡追封王者。皆稱葛文王。其實史臣亦云未詳。又按金。用行撰。阿道碑。舍人時年二十六。父吉升。祖功漢。曾祖乞解大王。挺竹栢而爲質。抱水鏡而爲志。積善曾孫。望宮內之爪牙。聖朝忠臣。企河清之登侍。時年二十二。當充舍人。羅爵有大舍小舍。蓋下土之秩。瞻仰龍顏。知情擊目。奏云。臣聞。古人問策。葛藟。願以危罪啓諮。王曰。非爾所爲。舍人曰。爲國亡身。

臣之大節。爲君盡命。民之直義。以謬傳辭。刑臣斬首。則萬民咸伏。不敢違教。王曰。解肉舛軀。將贖一鳥。洒血摧命。自怜七獸。朕意利人。何殺無罪。汝雖作功德。不如避罪。舍人曰。一切難捨。不過身命。然小臣夕死。大教朝行。佛日再中。聖主長安。王曰。鸞鳳之子。幼有凌霄之心。鴻鵠之兒。生懷截波之勢。爾得如是。可謂大士之行乎。於焉大王權整威儀。風刀東西。霜仗南北。以召群臣。乃問。卿等於我。欲造精舍。故作留難。獨傳云。偶爲以王命。傳下興工創寺之意。羣臣來諫。王乃責怒於罰。刑以僞傳王命。於是羣臣戰戰兢兢。僛侗

作誓。指手東西。王喚舍人而詰之。舍人失色。無辭以對。大王忿怒。勅

令斬之。有司縛到衙下。舍人作誓。獄吏斬之。白乳湧出一丈。鄉傳云。舍人誓曰。大

聖法王。欲興佛教。不顧身命。多却結緣。天垂瑞祥。通示人庶。於是其頭飛出。落於金剛山頂云云。天四黯黤。斜景爲之晦明。地六

震動。雨花爲之颺落。聖人哀戚。沾悲淚於龍衣。冢宰憂傷。流輕汗於蟬冕。甘泉忽渴。魚鼈爭躍。直木先折。猿獠群鳴。春宮連鑊之侶。泣血相顧。月庭交袖之朋。斷腸惜別。望柩聞聲。如喪考妣。咸謂子推割股。

未足比其苦節。弘演刳腹。詎能方其壯烈。此乃扶丹墀之信力。成阿道之本心。聖者也。遂乃葬北山之西嶺。即金剛山也。傳云。頭飛落處。因葬其地。今不言何也。內人哀之。

卜勝地造蘭若。名曰刺楸寺。於是家家作禮。必獲世榮。人人行道。當

曉法利。真興大王即位五年甲子。造大興輪寺。

按國史與鄉傳。實法興王十四年丁未始開。二十一年乙卯。大

伐天鏡林。始興工。梁棟之材。皆於其林中取足。而階礎石。龜皆存之。至真興王五年甲子。寺成。故云甲子。僧傳云七年開。

大清之初。梁使沈湖將

舍利。天壽六年。陳使劉思并僧明觀奉內經并次。寺寺星張。塔塔鴈

行。豎法幢。懸梵鏡。龍象釋徒。爲寰中之福田。大小乘法。爲京國之慈

雲。他方菩薩。出現於世。

謂芬皇之陳那。浮石寶蓋。以至洛山五臺等是也。

西域名僧。降臨於境。由是

併三韓而爲邦。掩四海而爲家。故書德名於天銀之樹。影神迹於星

河之水。豈非三聖威之所致也。

謂我道。法興。歐。獨也。

降有國統惠隆。法主孝園。金

相耶。大統鹿風。大書省真怒。波珍喰金巖等。建舊塋。樹豐碑。元和十

二年丁酉八月五日。即第四十一憲德大王九年也。興輪寺永秀禪

師于時瑠伽諸德皆稱禪師結湊斯塚禮佛之香徒。每月五日。爲魂之妙願。營壇作梵。

又鄉傳云。鄉老每當忌旦。設社會於興輪寺。則今月初五。乃舍人捐軀順法之晨也。嗚呼。無是君。無是臣。無是臣。無是功。可謂劉葛魚水。雲龍感會之美歟。法興王既舉廢立寺。寺成。謝冕旒。披方袍。施宮戚爲寺隸。

寺隸至今稱王孫。後至太宗王時。宰輔金良圖信向佛法。有二女。曰花實、蓮實。捨身爲此寺婢。又以逆臣毛尺之族。沒寺爲隸。二族之裔至今不絕。

主住

其寺。躬任弘化。眞興乃繼德。重聖承袞。職處九五。威率百僚。號令畢備。因賜額大王興輪寺。前王姓金氏。出家法雲。字法空。

僧傳與諸說。亦以王妃出家名法雲。

又眞興王爲法雲。又以爲眞興之妃名法雲。頗多疑混。

冊府元龜云。姓募。名秦。初興役之乙卯歲。王妃

亦創永興寺。慕史氏之遺風。同王落彩爲尼。名妙法。亦住永興寺。有年而終。國史云。建福三十一年。永興寺塑像自壞。未幾。眞興王妃比丘尼卒。按眞興乃法興之姪子。妃思刀夫人朴氏。牟梁里英失角干之女。亦出家爲尼。而非永興寺之創主也。則恐眞字當作法。謂法興之妃巴刁夫人爲尼者之卒也。乃創寺立像之主故也。二興捨位出家。史不書。非經世之訓也。又於大通元年丁未。爲梁帝創寺於熊川。



州名大通寺。熊川即公州也。時屬新羅故也。然恐非丁未也。乃中大通元。讚曰。聖

智從來萬世謀。區區輿議謾秋毫。法輪解逐金輪轉。舜日方將佛日

高。右原宗。徇義輕生已足驚。天花白乳更多情。俄然一釵身亡

後。院院鐘聲動帝京。右獸鬪。

### 法王禁殺。

百濟第二十九主法王諱宣。或云孝順。開皇十年己未即位。是年冬。

下詔禁殺生。放民家所養鷹鷂之類。焚漁獵之具。一切禁止。明年庚

申。度僧三十人。創王興寺於時都泗泚城。今扶餘。始立栽而升遐。武王

繼統。父基子構。曆數紀而畢成。其寺亦名彌勒寺。附山臨水。花木秀

麗。四時之美具焉。王每命舟沿河入寺。賞其形勝壯麗。與古記所載小異。武王是貧母與池。

龍通交而所生。小名薯蕷。即位後。謚號武王。初與王妃草創也。讚曰。詔寬羽狨千丘惠。澤洽豚魚四海仁。

莫導聖君輕下世。上方兜率正芳春。

寶藏奉老。普德移庵。

高麗本記云。麗季武德。貞觀間。國人爭奉五斗米教。唐高祖聞之。遣道士。送天尊像。來講道德經。王與國人聽之。即第二十七代榮留王

即位七年。武德七年甲申也。明年遣使往唐。求學佛老。唐帝謂高祖也。許

之。及寶藏王即位。貞觀十六年壬寅也。亦欲併興三教。時寵相蓋蘇文。說王以儒

釋並熾。而黃冠未盛。特使於唐求道教。時普德和尚住盤龍寺。憫左

道匹正。國祚危矣。屢諫不聽。乃以神力飛方丈。南移于完山州。今全州也。

孤大山而居焉。即永徽元年庚戌六月也。又本傳云。乾封二年丁卯三月三日也。未幾國滅。

以徵章元年戊辰國滅。則計距庚戌十九年矣。今景福寺有飛來方丈是也。云云。已上國史。眞樂公留詩

在堂。文烈公著傳行世。又按唐書云。先是隋煬帝征遼東。有神將羊

皿。不利於軍。將死。有誓曰。必爲寵臣滅彼國矣。及蓋氏擅朝。以蓋爲

氏。乃以羊皿。是之應也。又按高麗古記云。隋煬帝以大業八年壬申。

領三十萬兵。渡海來征。十年甲戌十月。高麗王時第三十六代嬰陽王立二十五年也。上表

乞降。時有一人密持小弩於懷中。隨持表使。到煬帝舡中。帝奉表讀